



顧齋集

辭賦詩

卷十三

~16
2402
1



和
2402
/-3

顧齊集序



以詞章名家而不能究理氣象
數之原者曰舍本而取末以訓
詁專門而不能攷名物制度之
實者曰有體而無用皆非通儒
也儒之可通者夫有量哉本末

該而謂之學體用備而謂之道
博於斯二者而謂之通儒雖然
不加之以反約之工則實與聖
人法門相差此真正吾儒之難
也。以余所聞黃頤齋先生殆庶
幾焉公以特異之姿厲志窮格

治易既成推其餘以及曆象樂
律字義筭術之類靡不覃思研
精冥搜默會洞貫源流作為著
述凡數十餘種多有前人未及
至於性理釋疑羣經講義劄錄
諸篇又皆平日體認心得之程

序
課而一以紫陽定論為宗者也
豈古通儒由博而反約者非耶
公奮海陬少工於詩文名聲藉
甚及學漢湖之門同門者莫或
先之時 朝廷修文獻備考書
以公諳鍊 國朝典故多就質

焉大臣為總裁者薦于 上屢
賜對盛加獎諭 正廟在 春
邱公列於僚屬而 文孝世子
之冊也廷議公可備輔導 特
召之既歿湖南人有頌其先世
忠節者引公言為證部例將道

序
三

查 上曰黃某博聞稽古道臣
採實不如某一言遂贈其人嗚
呼公雖位卑跡踈未克有所展
施其見重人主乃有卿相大夫
不敢望者非公實德實行其能
之乎之可謂儒者榮也然今之

為士者或不知願齋為何如人
獨遺書之寂寥者耳公之孫秀
瓊甫懼其愈久而遂泯也刪繁
選要付諸剞劂徵序於寅永蓋
我先人好易嘗與公往復論辨
故疑其有得於緒餘也記昔童

非之日侍先人語易先人曰吾
於易見一黃永叟永叟名儒今
亡矣為之歎惜者久之永叟公
字諱胤錫寅永由是得聞公姓
名而顧學識淺短何能有闡發
者惟先人言歷歷在耳尚可曰

吾有所受歟

崇禎紀元後四己丑季冬嘉善

大夫行龍驤衛護軍兼世

孫講書院右諭善原任奎

章閣直提學豐壤趙寅永撰



國齊遺藁卷之一

辭

幽懷辭

余求友於南國今將歲過之其二何希聞而莫聞兮
終寂寞而靡有豈余身之無足取兮抑時俗之夢醉
哀谷鳥之孤鳴兮悵牙琴之獨張歲暮兮難為情吾
誰與乎相羊惟歸求於黃卷兮庶尚友乎千霜

春祝

甲戌。時妣患疴已二歲故辭以祝之既而愈考晚隱公喜曰豈汝祝之之效歟

於皇太昊受頊謝兮德配春生運元化兮嬪朕萬族
咸煦嫗兮矧人疾苦渠不除兮今茲甲戌肇警立兮

按節遊方風翕習兮惟臣有母疾險歲兮何項不廉
尚騁診兮人情所閔亦皇鑒兮願言明靈溘漢汜兮
赫命荼壘執項鬼兮飼以素威功則建兮辭出肝膈
曰帝念兮嗟嗟神理逝勿或僭兮

次韻歸去來辭 并序。己亥

余少也迂猶志于古不屑屑舉業三十一幸
登上庠二十八偶被 朝廷採錄自 莊陵
參奉內遷義盈庫奉事轉宗簿寺直長以司
圍署別提陞六品仍擬司憲府監察不得
點末久歸親待先人湯藥七朔而先人棄二

孤是辛卯十二月也先是己丑以四六魁七
夕製旋因一字微背有文衡致疑者則命官
不得不拆名自白而首相因宿憾不一言竟
失第庚寅以殿策被選于九日而試官斥其
勤攻 上闕又不第一時譏以劉蕡其欽崎
極矣獨惟我 先英宗大王自七夕入侍以
後拳拳 淵衷實非一再既於宗簿提調橫
辱而伸之矣又於輪對 詢文獻象緯而褒
及先臣矣又於勤政殿以仁安故事特 命
召之矣又於益男疏可否 特以待金三淵

百

朱同伊

己丑九月念一

朱同伊

看勝高真。河身以我朝。英宗正命。純祖朝。何人漢。湘文敬公。金先生。乃人。蔭世。
孫。御司。翔。維。子。平。海。英。公。流。錫。一。正。也。

後孫者援例使勿言矣又於謝恩之地拜儀之日重舉爵里以惜其不遇而有望於後日矣先人嘗教之曰待汝四十終不得一第狀後從汝所好可也及出仕則曰汝在京日雖逾四十必赴大科可矣而小子不肖既再若有為而躓焉狀所受 聖獎炳丹青昭日月又安可以此而易彼哉蓋區區於此只冀一專城庶 君餘波及於父母而嗚呼有辛卯之慟則自是所依而為命者惟老母在耳服纒吉而我 聖上受命代理於是乎丙申正

月有翊贊之 除顧以榮養之非路也不欲起既被母命強赴而不免有事徑遞八月又會葬 元陵而歸戊戌正月復承司僕主簿之 命二月入城念未有詞訟履歷不可以求縣故自願遷東部都事至十一月其過六朔之限久矣而忽不自意橫驚為 長陵令夫以十三年積仕之良勤七十九慈侍之可惻而一朝置之轍地悠悠蒼天此何理哉豈亦察其欺世盜名不足以當一邑民社之寄耶余於翊贊前後在田間七年其以副末被

擬者殆數十凡近世所目陰官者清選幾皆
得與而俱非余所志也乃其志惟願一奉母
氏官厨之養故名以外邑將無論豐約此所
以耿耿不能忘情爾今粹德如此此必五十
年間誠孝不篤無以孚及當世故歟或曰情
已感矣勢已迫矣入京之日宜一見諸公枉
尺直尋亦何大害余不覺一哂因次歸去來
辭遺韻以自矢必歸云辭曰

歸去來兮吾母八耄吾其歸夫既思養而不得寔天
命其奚悲昔余齒之始壯謂前良之可追樂庭闈之


具慶懼霽潦之或非蒙 先王之作新遂濫筮乎欄
衣學未優而徑仕奈志大而才微邈矣 莊寢肇駿
其奔乃供油燭興化之門 奎章玉牒亦有司存維
時 袞袞可銘彝樽沆四命而不第嗟奄訣於嚴顏
惟護樹之願依叨桂坊而敢安哭 元陵而經歲猶
至情之相關俄承 召於罔寺益 新休之是觀由
東部而候縣冀膝下之榮還忽為令於 長園悵塊
獨而盤桓歸去來兮尚安用夫遠遊人無肯於曲憐
吾有耻於冒求服斑斕而弄轂將侍側而忘憂於焉
獻歲而發春行且耕於先疇或樵于林或漁于舟足

甘旨於登盤多逸暇於遊丘及慶日之餘景歌 聖
澤之永流指百年而康娛知我心之休休已矣乎一
盈一虛能幾時翮戾去矣無我雷胡爲乎離毋欲何
之婢膝非其志子職乃所期嘉舍飴於定省劬帶經
於耘耔追山雷之先訓慕子車之遺詩斯忠養之亦
極三公不換吾奚疑

賦

述志賦并序。乙丑

世人喜趨名利海以至盜狀而亾而不之止
焉吁其可閔也已余作此賦以聖人之道爲



善昏兮成性存存道義門兮見得思義君子範兮不
為名勸詰人念兮意茲童駮安所測兮尚惟存天無
泚泚兮

打魚賦

并序。乙丑

余頃年肇夏入住雲庄庄去長淵不三里而
遙時有漁子輩於是打魚余亦尾而矢之儕
友數三借焉既歸則想像舊遊未嘗不神往
思以綴文替賞猶且未也今適間隙粗述以
償病願若其觀覽之富則僅能隱約稷粢云

爾

禪煙兩崖之間有水隙而流俗名曰長淵其形隳也
蓋其上涵苔川之波下朝天吳之宅漠澶瀾而連漪
兮漫森澆而泥汨接海濤之泓渾兮納泮澗之潛狀
緣以石磧之淺瀨兮腹以釜鬮之坎窞蓋不知其澗
澗幾萬頃兮慶難得乎窺瞰於是乎長鯨脩鰐躍螭
騰龜鳥鱗蛤蚶赤鱗蠔蝸石首瑤柱河魃蚌蠃或來
往於其中兮或隣窟於淵之波曖莓蔚而種黽兮鮓
蘋菰而脂膚掉窺尾而跋濤兮捷赤鬢而漱涯至若
玄陰屬鼻碧浪凝沍冰我我兮千層雪綬綬兮長滄
勁飈瀟而賸冽兮徹窮寒於水府紛於鱗而并凌兮

簇羣鬣其如束魚鬢邊而不弔兮夢濠梁之儵樂扣
壩泥而爲糝兮聊且以乎豐食及夫穀風融凍謔門
鑿冰春和日暖綠波不興鹹千頭之唯唯兮泳列隊
於沙汀吸叢芮之清溫兮捭洪瀧而飛騰於是朱陽
肇授仲呂噓葭蕙風徐動碧水長沙杙黃葩之暮歷
兮陰歲蕤之殊苓飭鸕鷀躍而陪颺兮鯨鯢怒而醜鄒
景和晴而清晝兮水淨湛而銅磨題時物之孔嘉兮
月亦維其良節恐殷雷之先鳴兮驅素鱗於競競頻
江厲而流涎兮益將修乎又畢爾乃理鳧艇乘煙棹
結罾留整柁瓜縉竹竿以獨闌兮鈎芒針而餌楷折

綠荷而包飯兮于余適乎江之介裸襪而擲草兮
手長捕之橋担蕭余寒而無吳兮恐鱖鯪之潛匿招
靈氛為余端著兮占大庖之盈胸日天風之九二兮
厥有絲而斯灼包有魚而貢吉兮奚必重鑽夫果獵
爰顛羣而下步兮曠降皋而予于望坻亂之輕動兮
滄余心而風激馳行踵於白石兮疾驚雷而周章散
隘巾之密罟兮菴奔流之湯湯或鳴根而振音兮震
晴空之霹靂或桀石而撞濤兮撲鳴波於高埭揚銀
屋於水宮兮齊蹀跳而無難任公手廢詹何術殫篙
工日逃三老肉顛哭靈胥泣陽戾潛龍趨老蛟愁感

巨鱗而鬚鬣兮歆血雨而呀呷掣綬戩而微輓兮疵
隣隣之銀甲蒼鯢紫鯉不能奮小蝟紋鱣不能逃鱧
魛馬橪於織經鬪鱖伊束於輕巢鼃鼃中籍鯁鯁纏
微辭駁刺於咫尺兮若飛鳥之黏網鏃赤攫而橐尾
兮索枯莖而拳腮睛強恥而凸紅兮首瓢詭而奩肩
命雖懸於鑿刀兮氣猶怒而不死內穴為之中飢兮
波水為之漂益充攸獲之孔多兮人互譖而交驚於
是脫文魴解素鱖摘紫錦之鬪鰾兮搜花園之鱒體
奚秃尾之足羨兮笑玄鯽之常才招饕子而憇刃兮
將以樂夫偕偕霜刀確確白雪霍霍剝春蔓之脆骨

今斫狸刑之紅肌或去其乙或軒其膚膈之聶之不
蕞鱗之背以葫芥雜以蔥薑紛既有此腹腴兮又重
之以鯖羹滌釜鬻而禹鴈兮樵月芥之松明與饋饌
而曼輒兮溢園方而餽飭羞我客而孔借兮永今夕
而遨遊載手仇而逸逸兮紛下箸而舉臠既魚鮒之
和調兮味不爽而匪膺美哉長洲之魚族儘適口而
芳膻和油則太甘和水則太淡豈淳毋之可敵兮噉
燭蒸之徒耽少歌曰思樂長洲薄觀其魚其魚伊何
維魴及鱖魴鰻甫甫黿鼉圍圍之子于漁言理其苦
魚在在藻首頰尾頰薄言漁之樂我友生嗟我友生

其樂只且日之暮矣歸與同車又從而誇之曰嗟我
良朋相彼魚梁止魚在中流自相忘止胡且有且永
失濤波止天物暴殄離此網羅止天乎誰乎詒百殃
止欵爾漁子厥唯戕止古聖所畏而莫遵止嗟我良
朋亮我斯言止

思歸賦 戊辰。在甥館

何三春之麗景兮寥駘盪而撩人林花綻而鳥嚶兮
月又弦於西天感節序之流遷兮歸去來兮何辰昔
余之初離庭兮雪飈猶其妻至涉余馬於雲巖兮夕
吾宿乎鵝水芳華噤而不吐兮屬王月之春一流光

迅於客館兮忽青燐之將暮紛韶華之爛熳兮顧我
行之猶滯想江南之幽居兮芳草長而鸞飛紅千層
之躑躅兮亦重之以山榭合詞人之歸管兮占風光
於囊詩賦春物之非余思兮獨昭悵而奚悲憶雙親
之謂余兮指一望而為期而日月之幾何兮倏三旬
之相推嗟不肖之爽約兮拊流景而空歎應青山之
望子兮亦倚閭而徂還曰余子之眠食兮不遐害於
他鄉西雲逝其路脩兮空戀戀於爺孃妻風雨於永
夜兮悄輾轉於東床雞嗶嗶而頻唱兮塵帶耿而晨
光起披衣而排戶兮望海天而何處千山間以萬水

今恐魂夢之猶未去憑玄毫而綴辭兮托永思於斯
賦

感秋賦 并序。庚午

余今年二十有二矣顧自幼已不無古之人
之思而為之不力迄之無成每懼老大而猶
夫昔也歲云秋矣有感于懷憑辭自官覽時
命篇亦聊以隱約於朱文公感春之遺韻云
余固相於冥塗兮慶佹佹而焉之既年歲之向晏兮
慨立名之無期伊余心之迂愚兮顧夙昔其猶未替
聞晞顏之遺風兮庶依則乎前志光陰之不吾謀兮

辰倏忽其三春白露寒而為霜今夜方曼而愁人覽
余躬而追郵兮竊怛怛於古訓業未修而鹵莽兮德
不進夫分寸欵吾固病於放浪兮更耽嘯咏與琴
惟彼古人之為學兮曷嘗遺及其本心湛虛明而毋
滑兮信士子之萑萑兮秋邈而靡及兮尚仿佛而如
見偉聖謨之孔彰兮不亦顯乎其光繹真腴而驗實
兮矢比珍於瑇瑁悵茲秋之亦云暮兮齋此志之渠
暫忘嗟老嘆卑兮諒非余之所崇樂學安義兮聊且
以乎不永傷

詩

沈文

泳道來自福峽呼韻 戊午。十歲作

遠客來從玉水頭身邊猶染萬楓秋明朝筇竹何須
促綠酒相將為我留

遊道遙庵 癸亥

逍遙一古殿千仞俯滄溟風磬崖顛響霜鐘木末音
寂寥蹲佛貌清淨坐禪心我本非生客閒來獨自尋

夜坐 甲子

夜闌清不睡虛室默凝精耿耿孤燈火寥寥萬籟聲
遙懷孔顏樂因繹洛閩情坐久還排戶搏桑欲吐明
冬至 排律

天地純陰極重淵躍沈龍日躔回北陸梅蘂逐東風
物理皆還本人生尚在慵規拋苔正綠卷擲塵徒雖
溪愧習飛鳥多慚採蜜蜂未窮經數帙虛送月三冬
轉眄年將暮何心尚惟庸透情筌易猾微類石難攻
刺股思方切書雲節又逢乾坤和氣動草木化功蒙
觀感寧無術勤夜庶有終洛閩追懿範洙泗仰儒宗
奉老須敦孝事君必盡忠斯言如有負毛穎定羞儂

讀太極圖

遂古初馮翼一氣交藏宅陰陽翁以闢兩儀斯各立
五行始著形萬物同吐茁云何所以狀曰惟無極極

於皇上天載恍惚難具悉既無聲與臭更無形與質
狀茲有象物總本無眈目四象以之生八卦非外鑠
尾鴻太古時風俗淳以樸民用不明著此理誰曾識
皇羲為此懼妙契乾坤闢繁狀六十四玄象洞大易
文尼繼以作至理乃明白歸來秦漢間九師徒紛裂
圖圖一圈子未流金丹術兀公起南服早透玄理窟
作圖傳兩程人文更昭灼陽男與陰女氣化構精血
動靜本無停橐籥交姤復萬物隨以出化生窮千億
聖人稟秀氣實理為太極五常分五氣善陽而陰惡
君子明其幾惓惓毋放失昭昭易通篇表裏垂揭說

嗟吾幸為人參天地為一本性豈不善但被人欲伐
友愛猶未盡况云能養色遺篇幸在案擊讀興嘆咄
方知此身心自與堯舜一胡為向迷塗坑塹紛墮落
誓及年未老淨掃心頭孽驅車適長道云無顛蹶

水滴乙丑

王蟾騰腹脚肥沙長吸三江碧漲波釋子未煩飛鶴
去醴陵仍致綠絲多微噴白雨漂香麝輕吐驪珠瀉
翠荷榭几十年惟爾伴安知不是化龍梭

氏鄉姓名字離合成以招隱詞命題自註平海黃胤錫承

自見參琅玕羽刷梧桐月紫鸞翔壺員翅拂蓬萊雪
高人軼氛濁春光塵外適回笑穆王梅永守巢許潔
寂寥無人共白雲誰尋跡心閒伴穴鼯日暖卧清樾
睡倦隱白鹿草坐蔭山葛王齒如新醅幾洗瓊盃液
我欲搗長鏡與君鏡日本還愁異疆場未須徑追逐
仲尼實有云鳥獸善羣伏胡為事鈴永聖代長晦沒
招隱人已舊大音吾當續手折叢桂枝朗吟三嘆息
去冬寫出性理大全數編因得目病尚未祛根

可聞

玄花若眼隔襤褸瞳子逢風汁更眇不有偏心那得

此只緣方策轉添危清宵月暈觀天際塵案燈虹作
字時始識倉黃為禱首丹然何處欲相隨

奉和從祖舅藍溪金公慎新授通政大夫慶

建詩并序。丙寅

崇禎之再乙丑卽我 聖上二十有一年而

天甲之節又於是五十有二年矣是歲春

上遵 太祖 肅宗故事親入耆社遂乃覃

恩八域以追篇衣之養九十者之二品八十

者之三品卽其例也國人之得與者凡幾人

矣而我金公亦其一焉公時年方盈篋戴之

小成而氣力昂藏體貌豐健能以筋力為禮
有非老衰者狀吁是豈俗人頑壽之比者哉
宜乎受天之祿而 國家之又有以優之也
其六月某子官奚果以 恩牒致于家公跪
而曰茲吾 王所以存老臣者不可不謀所
以侈之休家人其設曲宴以謝 王恩無徒
賀我為也子若姪等駮奔走惟命乃於仲秋
某丁公具品服見先龕訖速眾賓列長筵疊
酒拌款于左于右飲且酣公手寫近體詩一
章要諸人磨之者若而人後數日胤子公走

人于胤錫嚴君曰子吾春府妹子不可外也
益亦和之胤錫於是始訂之也因竊私曰余
雖無似幸於公而叨則彌錫則其平生戀嫪
之情固不淺淺公又於余不以鄙而不屑則
中心感佩何日忘之矧 聖上臨著大行養
序之儀而公實齒焉則在胤于公之心其為
忻悅固不容道而余又安得不為之賀也乃
者奉誦詩章諷咏三冊益見謙光之德藹狀
於辭表其無一言之發乎惜乎世故牽掣歲
月遷嬗終未遂此耿耿逮至今春始乃隙閒

次韻繕寫以呈而重以一言尾之曰昔程夫
子有言曰不學則復老而衰說本曰學問則
義理為主故閱理久而益以精明不學則血
氣為主故閱時久而益以衰謝今公一身雖
若不拘拘於禮律矩繩之內者而細觀其作
止視聽則雖以世之以道學自命者猶不是
若也血氣何自而為主而體貌何自衰謝乎
是故年高八耄而眼不花也齒不動也而精
氣日以明筋力歲以強以至受 國家之鴻
渥而擢三品之崇秩則向所謂俗人頑壽之

國朝詩
倫之不足比者某不信耶誠願我公益體夫
子之言用自警省則將見老境之髭髮漸勝
平昔而大齊之壽百廿之年自可迎而承之
矣語曰黃流不注於瓦缶福祿不降於淫人
今胤子公及適孫并以文行相尚則公之福
祿尚且自天之未艾而方來會德之效豈獨
長年而已哉抑余於是復有諗焉夫君親一
致也忠孝之道焉有二端 聖上所以安老
之典既已盡矣無以尚矣而他日中樞之
恩必且不期而至其在子孫孰不起孝而事

親將以移於事君哉噫胤子公供滄瀨之道
良亦至矣則後來闡科之日其所以事君者
亦必一轍狀其忠孝之教又本於父兄則公
必諄諄溫清之際而有不待乎人言耳未知
公以爲如何公自號藍溪胤錫之祖妣之兄
而年紀則我祖妣讓公三焉公今年八十有
二而我祖妣前十年卽世昔嘗拜公已有目
瞿之悲茲當奉和不覺涕欵欵下也

聖朝仁政浹遐氓天遣吾公老太平八耄高年身愈
壯三階崇秩世同榮地經學士濃仙氣家繼鳴川趾

美名小子嗟違筵上領絲綵徒替壽盃傾

流觴臺懷古

臺在奉仁古縣
即崔孤雲所游

八百年前跡雙溪岸上臺海雲今杳杳誰說九龍來

英宗乙卯大水石灘庵僧適夜望見臺畔光
明如畫九龍蜿蜒若有金冠玉佩人往來人
異之咸謂亦
雲復到云

日食詩

今王并二載暮春丁卯朔跋身始登天轉到曾桑
域陽精照萬國幽突燭餘輝陰旌忽露日冷氣逼書
幃晴窓粘黃暈夜色話白晝若非雲醞雨莫是漏下
酉我起出中門仰瞻團團郭重雲鐘明彩謝謝如日

曜圓輪漸銷鑠庶至會之既俄狀色重吐有似月生
腦兒童竟相賀指說天狗去汝言豈有理我今明詔
汝嘗聞考亭老妙透陰陽化青編有遺訓此理言無
訝天腰帶二道黃白交十字日月從此行會時相撞
值陰精既以掩太陽爰失耀天文謫如見人事必應
照如何 聖人世大明夷朝光赤幘無由救鐵鉅徒
春鏗只願 天棖上益懋商宗德警懼溪兢慄用答
天帝責微蹤邈雲 闕賤懷從誰展浩詠十月交有
恨石可轉

苦哉行

君不聞昔時戊寅歲乾坤沴氣恣妖戾蝮蠱鷓鴣千
萬證處處白骨荒郊瘞又不見近時壬戌年惡鬼煽
燄燔蒼天蒼天欲燒人不奈輶車袞袞青山顛從來
四十九年間天行一氣如回環三歲五歲無歲無一
鬼不銷眞冥頑去年三冬煖於春陰風土霾蒸人身
今歲三春夏夫候冬烘毒熱遂仍臻况是南方滄海
隅濕風吹人徹肌膚年年瘴氣兼毒癘宜眞白氛迷
雲衢千人一選誰不病大綱彌天不可屏雄黃螢火
亦無力只見灰生分俄頃南隣北里凡幾家家家絕
叫呼阿爺阿爺阿孃何與汝自狀痛泣頭將瞞丁壯

病尚可老羸病眞不宜丁壯氣盛猶敵疾老羸氣衰
難爲支最可畏孕兒婦十家灰人尚八九或有中焦
塞或有疼腰肢或有涔涔命如綫或有皁復揮靈衣
藥藥棘人淡墨容慘不忍見堪垂淚碧草新阡白楊
隴纍纍握槊連藁里昔時市門喪布貴今歲市門網
巾稀幾處丹旄出遠郊到底白笠辭靈幃嗟乎苦哉
瘟癘氣癘我生靈胡忍爲怨氣塞天天爲怒雨暘寒
燠因違時嗚呼里閭天灰人得不哀痛魂長逝生已
鬱無煢灰亦足揮涕始病人誰問既亾猶自安沈沈
厚夜何時朝一卧不起無愁顏嗟嗟灰者固已矣生

者無寧足可慰田麥斬斬色欲熟挈朋腰鎌供口味
烹鷄殺狗肴瘦肌兄弟妻子同為樂一生熙熙聖明
化身無疾病歡自足欲將此心問蒼穹蒼穹不語徒
空空安得大箒如雲千萬丈廓掃天宇無妖氛永使
百姓俱歡忻

自鳴鐘

余曾聞楚山李上舍彥復新購自鳴鐘其直
六十兩其制精巧今秋歸自玉川歷訪請見
其形方而長其廣居長之半上設一小鐘鐘
右設擊具下橫一衡衡背作鉏鋤刻兩端懸

小鍾其下平布一方鐵若宇其四隅各立一
條方鐵柱其左邊側施一方鐵薄而長以十
二時每時八刻之數周圍而刻之最中橫施
一小杠所以旋杠者內面諸環之為也杠之
少外有一圓黑鐵作花萼三十葉每葉刻一
小窾應一月三十日其朔日位設一小圓鐵
卽太陽也其外則施一圓赤鐵作一小窾以
為月輪周而望之便有弦望晦朔之分上下
弦月缺其半缺處黑不缺處白望則全白而
圓朔晦則全黑與日疊合如合璧四面周布

四片方鐵若壁其連貼處施小鐵樞任意闔
闢最中立一條薄鐵以中分其廣焉左日先
天右日後天各有二三箇鐵環環背各有鉏
鋸刻應刻分其環之傍立薄鐵焉下面立四
脚椅子高三尺許其上安鐘先後天一區下
面各橫設圓環環形如腰鼓而腰纏帶子帶
子餘長五六寸垂于椅下末施大錘可拱把
施此狀後上面鉏鋸刻之環被其傍鐵子之
所軋徐徐環匝其聲錚錚無是環則無以幹
矣子午時九鳴丑未時八鳴寅申時七鳴卯

酉時六鳴辰戌時五鳴巳亥時四鳴應先天

十二支之數每時初必一鳴所以報其入界

也每時正必如其數鳴如子午時初一鳴所

以報的為子午也蓋是鐘始出西洋或云

歷倭國傳至我國其能倣製者京城則崔天

若洪壽海湖南則同福縣人羅景勳而已有

白銅為之或以銅鐵或以木之堅緻者余昔

聞其名今始半餉詳察真所謂璇璣之運在

吾目中者矣遂以一律略記其制云

西洋妙制落吾東十二鐘聲軋白銅月自三旬盈不

缺天從百歲變復通鐵環鉏鋸元排分金秤動搖豈
為風倘識此問無限妙許君親往見崔洪

奉和龍湖金文會謙益梅韻一律

年年清艷月玄枵鐵骨崢嶸老瘦條古蘚若經江水
齧孱顏新出劫灰焦查牙綠幹天應惜突兀青嵌鬼
莫描遙想草堂相對酌羅羅浮醉興足良宵
玉骨蕭蕭秋氣森綠盆留把友情淡靜觀一體雙分
理清對二峯萬古心共約月中歲艷態不關天際有
輕陰何時健步龍湖上疎影黃昏得一尋

觀經世書偶吟

海東一十載易學久寥寥祭酒微言絕花潭餘韻遙
先天只方策太極已長宵珍重錦幘老何當夢裏邀
夜坐對月有感

明月出東山照我東窓東開門一以眺玉輪清霜籠
徘徊畢昴間漸失天潢宮寒宵寂相對冷徹襟懷中
感此盈虛理妙機誰能通但見圓又缺何知始與終
一散非再聚原始可反終往消來更續默驗蒼蒼穹
人生亦如彼永歎花潭翁花潭論氣以為氣散而復
聚者既散者皆散元無復聚之理其所以聚者乃
是散之生不窮者而非是既散之氣復聚也只

以口氣呼吸者驗之亦可見其一端程子豈欺我哉
至於月之所以圓而又缺者亦狀其光也至於晦而
已盡散之餘至於朔而復蘇焉其所以復蘇之光非
是已散之光復聚而蘇也亦是新氣之生生不窮者
耳若其不狀則造化生生之
妙不已狹窄而窮室也哉

吟寄盧兄燁

春心初動野梅叢忽憶去年除夜中見和新篇奎映
篋即愁殘臘鶯違鴻秋來絕峽徒音信別後窮邨又
雪風獨有楓山山上月清光兩處也應同

一氣吟二律

吾觀一元氣充塞太虛中若信無涵有方知寶在空
方伸因卻屈惟寂便能通所以狀何者原頭理不窮

且如室中靜寂一塵不動忽有物動他前戶則後戶
亦被他動著蓋兩戶裏面一氣方靜冷冷地忽破前
戶所動此所謂露跡也

復齋云此氣聚散不停機灰灰如重暖花枯亦再蘇
此由張子誤還近釋家非隻眼誰看破石潭我所希

復齋花潭一號花潭論氣散而復聚其所以復聚者
即向者已散之氣也其旨大槩如此是猶謂既冷之
友復暖而其既暖之氣即可以冷之氣乎花既枯矣其
理矣若狀則既枯之花亦可以回春乎花既枯矣其
所以弄開者即非既枯之花著在枝頭至於來春又
得生意也特其生之理浩不窮故今歲之花既
枯而落而蒙而歲又近於輪回之說此粟谷所以有不
論本於正蒙而且近於輪回之說此粟谷所以有不
蓋大輪回之譏朱夫子實云

畫梅鶴扇之歌

畫梅不可無白鶴畫鶴不可無明月梅馨鶴舞月又
白畫格方為楊州鶴孤山處士昔以梅為妻鶴為子
更愛黃昏明月色梅的皜鶴踰躑月亦來照成三絕
梅亭鶴亭今在否處士去後空明月此景何來上我
之小扇弄珠憂玉神恍惚畫工揮筆無窮意夢聽孤
山處士說覺來天風入纖末芭蕉颯颯玄機活玉羽
氈氈丹為頂古榦崢嶸鐵為骨孤杳暗香欲浮動几
舉清音聞髮鬢乃知良工心慘惓丹青貌一鶴啄藥
一鶴舞何事舞兮何事啄最憐冰玉柯或橫或斜青
突兀一點兩點初吐英畫中無亦逢臘雪獨恨瑤臺

玉真妃不喚銀蟾映皓鶴莫是參橫曉已落金樞窟
還疑有窮妻正妬瘦玉潔梅鶴雖兩羨奈此無明月
恐是龍眠初畫時卻之驅使纖阿力畫筵風光太半
減梅孤鶴孤真堪惜誰能為我不用一錢買玉輪細
分霜毫末長教月照梅鶴圖悄狀坐我西湖宅

偶題

有人南國隱名聲非道非禪樂自清腹內星辰天萬
里窓間文字月三更元年統日仍推箕洛範河圖更
發明千載心期托何處錦幘山下洞長生

雜詩八首和秋興

清商日夜撼脩林南國江山霜氣森東壁光茫初正
午純坤時候已窮陰寒花亦失重陽態落木還含來
歲心消長一機觀易處月窓聲和遠邨砧
參自東橫月自斜金波耿耿玉繩華天梁氣古龍泉
劍牛渚痕寒海客查歸鴈幾行橫暮塞戍樓何處倚
殘笳遙知此夜仙雲浦也有清光滿荻花
酣霧嶂嶸巖落暉寂寥秋室轉熹微寒山月動晴嵐
洗疎樹風衝宿鳥飛好是雪竿孤節保任他霜草一
春違伊來拾得江南景漸覺詩囊日日肥
萬古中原幾局碁茫茫十九代堪悲皇王帝霸須臾

事春夏秋冬閱歷時誰識神州百年污竟嗟河水一
清遲天東匹士曾何與長咏風泉有所思

東臯秋後望西山一朵蓮花紫翠間霜打海峯紅葉
亂人歸石室白雲關仙庄有分寧生客爽氣無時不
好顏每遇天風欲輕舉飄然馬首幾回班

寒天古木水橋頭南國騷人感素秋疎散襟懷欲誰
語飛騰日月卽余愁平生實作書中蠹一夢虛隨海
上鷗安得長風萬里勢南投圓嶽北遼州

天地網緼造化功一元消息太虛中分來水木兼金
火宣以雷霆與雨風聲雜宮商角徵羽色交黃黑白

青紅千年此理誰曾識
溪仰伊川擊壤翁
歷歷長天遠
邈迤月明峯影蘸
芹陂也知天削芙蓉
藥應有仙攀桂樹枝
杳外煙霞空
悵望山中物色幾
回移明春綠杖雲梯上
高拂星河碧落垂

論易吟并序

蓋易之有象數固也而若意與言特於是而推之耳苟或混於意言而反惑於象數之本原則豈易也哉且易之有繫將以酬天下之問故其於物也泛應曲當一卦之下一爻之中萬象之理靡不森然故彼問之者雖多而

其所以應之者亦無不各隨而應之而顧其繫焉者即一而已矣此乃二用運行六虛周流之妙若以一爻爲一事一卦爲一物而滯泥拘礙無活動變通之理則是亦豈易也哉程叔子易傳蓋或有不免於此者而朱夫子已嘗病之故其於本義一從四聖本意不以象數置於假喻而必發揮昭揭而意也言也始可以於是推之又不可以拘泥穿鑿爲例而文也卦也始可以應千萬事於是乎易之道復明而曲學異說零贅尖奇之論一切掃盡

雖以余之至頓乃能伏讀滾玩庶有開悟之
望豈不幸歟若其論及於先天未畫之前則
雖以四聖之繫亦恐為贅而況於本義乎而
況於易傳乎狀則向所謂曲學異說元未當
亂吾心目也遂以二律記其油狀之趣竊自
附朱子之緒餘觀者倘或恕之哉

今古儒門幾易師伊川除是繼宣尼還拋象數歸虛
譬應以意言混實知拘泥脫來惟本義發揮將去况
庖犧若論未有先天際三聖猶閒繫繇辭

三聖猶閒繫繇辭胡狀曲學竟尖奇每文自應千般

事全卦休拘一箇歧鐘響逐撞分大小鏡光隨物異
妍媸君看活動天機妙二用無窮六位時

奉別安都事感叔致宅歸觀

西風獵獵錦衣寒馬首秋雲壓杏鞍海驛征塵霜後
疾咸城明月夢中看遙遙洛國經年別黯黯龜邨一
刻團他日北關重去路可能尋我為相寬

大易吟

吾觀大易理自行天地中洋洋活以動隨處左右逢
如水谷之滿如氣體之充玄機任圓轉未許文字局
六虛徒空影八卦乃糟粕義皇亦多事俯仰勞象畫

引伸又觸長對待相博易於焉太極妙十九漏簡竹
文尼一以邈曲學乃穿鑿徒憑象象後詎窺先天前
還知一元機劉沔恐無全我欲回潔淨捧擎歸于天
玄天嘿不言蒼蒼九萬里且可將歸去敬熟名香穗
秋齋洗心了腹裏藏千禩

答或人問并二絕并後序

人問先賢盡出身出身方做大儒真如君若不吾言
信請看東人與宋人

我謂為賢自有餘非從科目一窠拘如君只把初頭
說今世人將盡宋儒

蓋程朱以後暨我東賢未有不決科出身而
間或如伊川延平牛溪沙溪諸賢者僅十之
三四人或以此而遂以為先賢之所以賢於
科故也余則以為不狀彼諸賢之所以賢於
舉業外亦自有餘地若果如所云云則孔孟
顏曾之在即何科之可決而為賢為聖也雖
狀此亦未為通論蓋其初頭決科果未知自
意以為必須決科而後方可為大賢否乎如
其狀也吾未知其賢也今之人論此者苟以
為初頭決科誠以自三代以下專以科目取

士則士之有文章經濟之術足可以拯一在
標百代者若不以是無自以布施而試之故
不得不強志而爲之云爾則此於先賢本意
猶之近也而猶未足爲千亭萬當鐵定不易
之論則而况向所謂決科而後方可爲大賢
之論又何足容我喙議爲遂記其問答而詩
之焉爾

丁冬歎

青龍集朱兔復辟年垂暫天時止冥王日躔南箕揜
玄陰此已極謂應冰雪潛青山黑瓦灰大地惺風撼

重泉縮幻尖萬樹綴花糝溜凍榮凝四豐驗臘白三
明春麥登鎌老農肩頰擔洋洋千室喜詠歌其饒噴
雖經契波咤且樂無頗領嗟哉帝顓頊此權爾摠攬
常時職不忒大冬窮陰慘九野寒零霏一雲同黯黯
由渠烈搜兌致古名乘坎夫何此歲抄猛氣無一點
低徊失厥度縮首固不敢小雪候已差大雪經亦奄
和風益吹拂寒意乃薄淡玄龜感凌殼赤帝鼓狂喊
愆陽苦用事冬令孰照勘茫茫穹壤間我行一眺覽
炎炎日脚轉澹澹天色紺陰旌或少雲忽被狂風颭
稀消不成族何由雪落滲林無集鷗鶴野無堆琬琰

溼漉一年隔寂寂神功噤疑天惜六花未許人間瞰
還應太陰宮陰巧苦莫贍風凌亦不壯大江滑雲帆
遙知折輶阪危磴不坎墮川梁既無伐底供謔門歛
青青原隰草爾復先春濫頰如孟陬月到處韶光染
波鱗亦不矜林翼卽多感而彼葛綸客未須愁寒痒
南簷快炙暄無異藉花毯和暉縱可愛炕陽亦殊甚
將非客歲後疫鬼噓光焰驚心昔年事卽今夢猶魘
况無三尺八邪有八穀稔於皇上天仁不能無所憾
徘徊子夜中永歎獨切俺曾聞九章傳推說若靈識
昭昭與陽罰致自舒而僭天人本妙一感通無關欠

今茲冬無冰恰與春秋驗煌煌夫子筆聖訓此詳審
千秋周末事請為吾東鑑况聞毛蟲孽處處恣虺闕
山岷及野商幾箇被咬噉言視既失常天道固宜恁
誰哉顛天棖用此為告諭微蹤絕議論赤忱難摘揆
寒齋起長歎悄悄對鉛槧詩成獨自咏曉缸青睽睽

擬古

西山有孤桐其葉綠葦葦下結秋雲根上鳴朝陽鳳
生來亦幾年皮老雪霜凍良工一以剗歎此琴瑟中
捫以冰蠶絲彈出離鸞弄冷冷松風語翩翩雲鶴和
陽春竟誰和霧葢徒昏夢所以玉溪翁獨抱年光送

漫題

蒼葢黃輿不見垠其間十五萬年春皇王孰竟山河
主箕尾元來日月津細帙有懷尋玉馬白雲無跡問
檀神他時底是吾歸處明滅缸花獨委頓

臘月初五夜夢與宋文奎相語覺後有懷

月岳奎精五十春相四芝北老為隣茫茫鳳尾龍鬚
撥落落蒼松皓首身晴景正依華嶺下清秋倘記玉
川濱何時對話今宵夢一洗襟前萬斛塵

雜詠

仙李乾坤三百年如何黨痼苦難痊初因議論稍乖

角終致名標自滾纏不識陰陽那介是還應淑慝兩
邊懸千秋定有同歸處岱嶽東尊北斗天

上寒峙望普賢峯釋書云拾得化
身為普賢菩薩

茫茫拾得涅槃魂出入風輪轉幾番君看化後身千
億天外螺鬟立立尊

奉次白丈時德贖行之作戊辰

游軒名節卓軒軒聞說淵源出靜門 止闕三夏休

老義南天一紀陸宣冕 先朝節惠推隆渥當日風
聲見後昆倘欲識他遺跡得龍翁片碣足堪言

上元日述鄉俗所目效排諧體遣興

令節三元上佳辰一月中颺鴉何處里賣餲幾街童
糯飯如千室樵薪說九同更須觀桂魄占得歲凶豐
今夕觀燈戲空聞漢水陽遐鄉寧此事方俗亦非妨
杉板跳來勇藁繩引去長老農眉睫動晴晏碧天光
南國茲辰重千家作上元邀來皆白酒歸去各黃昏
麻績誰筐滿飯炊此盃存夜渡人盡到孤月自柴門

月蝕五十韻

正月十六日辛丑望甲夜月在烏宮星張之
地自北方始會稍及三之二丙夜乃復

鳳曆三千載 龍飛廿四春青章初自卯玉紀正臨

寅素糖二商夕丹雞一鼓辰若暉纔歛脚扶榦亦昇
輪穆穆金波爽悠悠玉浦遵吐華先遠岫清路絕纖
塵歷落肥沙足分明穴鼻身冷芒休白虎靈宅壓朱
鵝故故三竿上團團隻鏡新太陰方值旺何物忽來
臻噉此形圓滿令他色滅湮金樞難避匿玉郭就殘
貧吳質三塊悖窮妻八字顰桂摧誰去護墓惡孰能
嗔黑宰迷輿蓋幽冥閃鬼神山河凝慘怛星宿燦珠
玳華屋那禁夜琅霄亦莫晨還思往歲變可得此時
偷里老鷺嗟衆街兒指示頻寸明寧得惜微魄亦將
淪盆水空相照縑絲漫共緡天猴言實誕帝眼瞑誰

國寶章
曠物象交蒼素地方亂越秦織阿將失馭靈彩底逢
屯南國人長歎玉泉語夏陳蝨臣殊賤卑天路極嶙
峴有淚沾膏臆無階顛昊旻徒將三統法細說九行
直雙道相交對半天共敵句於焉或遭會推究亦由
人此理元非贖彼微必有因在高關國事取類卽王
臣長姊尊名號元妃絕妾嬪異王表勲烈天使主觀
巡降雨由從畢司刑在慶民教他人事警莫是帝心
仁今代 明良際恭惟教化醇八埏涵 聖澤一氣
轉鴻句狼狽胡神物惕憂定 紫宸枕能安乙丙策
可展經綸莫逆惟新命當酬至戒諄會家身縱野憂

國寶章
國寶應銀蕘語嗟難獻 玉音倘有詢勸盍懲晉武
降服望殷嬖羨須追鴻鴈禮羅致鳳麟大災猶可禳
此意底當申白雪湖南曲青雲漢北津夜滾瞻斗幹
霜重濕蘭紉後驗誰知未隱憂我苦辛獨教勞 聖
主何意彼臣隣

感春詩四十韻

南國春光到崢嶸歲月滾竹驂時杳杳桑景日駸駸
夙意猶全負新篇且朗吟隣朋休笑罵野老莫譏侵
落落男兒志茫茫宇宙心菁華方茂燁書籍擬窮尋
東洛明龜範南濱問鶴琴乾文曾內燭坤象手中斟

國齊蒙
妙術休朱算高談倒宋鐔鍾王凍蠅怯白甫老蟬瘖
陣變千年秘丹青一筆臨長風起繡閣曲藝謝温燁
百氏珠穿蟻九流線貫針馳騰上中下凌轢過來今
破璞無留壁披沙有揀金盛儲孫廐馬豐蓄狄籠葵
玉蘊元輝嶽絃高有解音神勞長茹藥患苦大覃淫
庶把玄關鍵洞開玉海濤路通千疊峽天捲九年霖
冊縱下頭閣理從眼底森味腴還冷淡車敗果岑崆
絳服神應泣玄花眼莫禁秋風嗟晚悔春日倍霑襟
金寶空投北桑樵漫烘熒焦心成底事喪志愧明箴
玄草空虛費白紛恨豈任泰山微磊砢滄海小涓涔

遠莫撈河王近宜覓雍琳恭惟千聖學詎出一明欽
堯舜道斯在程朱訓可堪主心須活動應物怕昏沈
撿斂須終始放流卽禽獸地盤方築室塵土尚成岑
勿使行羞影休令宿愧衾幽懷觸新歲和氣藹千林
梅蘂初排雪離宮亦正參夢魂伊水上思想武夷陰
坐歎身藏翼偏嫌雪上簪詩成自詠罷窓榻月悄悄

夢聽玄琴歌

疇昔之夜夢至一處青山綠水始非煙火在
界有一人延我草堂援玄琴鼓之厥聲泠泠
殊有林下風氣既教余以按標點絃之方余

亦略問榷槩言未了而覺心竊異之作歌而
記之
若有人兮湖之南詠陽春兮吟白雪平生不學新翻
曲早得南溟玉寶訣絃高指澀不成聲強挑龍鬚絃
斷絕山自高水自流未許天機絃上注千秋一何遠
悵望閒愁結東風吹夢到何處昨夜仙蹤飛電掣青
雲夾腋輕白月當天潔芳林極悄悄玉澗夏清澈彼
何人斯綠其髮山裏三花手攀折溪深玉洞引余去
石室先啟青銅鑰相攜坐石榻不道人間說玄琴三
尺抽玉匣爪甲鏗狀聲已別調絃按標為客彈緩撥

徐揮不促節淡衣碩士德優優大帶鴻儒言呐呐雲
閒閒兮自叙卷風薰薰兮小颺颺遲遲一聲漸融融
駘盪和平亦可悅花枝掠亂咲雛鷲花下間關吟百
舌紅桃春雨千點香寶鴨黃雲一穗蕪斯須劃狀絃
轉急萬壘青崖指下裂崩浪巨石勢轟碎鐵馬金槍
響衝突青鯨老鬣鼓滄渤白馬寒潮撼江浙天旋地
幹片刻間寥亮清聲忽高發嫋嫋若連珠細細若微
髮餘音極嘹唳促氣轉嗚咽三秋獨雁月籠霜五夏
啼鵑花染血關山戍客泣金戈瓊海孤臣淚玉玦淒
淒不似向前調太半雄聲盡消歇寒冰急灘夏觸鳴

助之苦苦孤輪月千巖振兮木葉落風永至今轉粟
冽愀狀不樂玉樓粟六絃錚錚僅成闕曲終投匙斂
衽坐惟有青空響勃鬱洋洋餘韻尚沸耳若去叮嚀
逼颼颼請君爲我煩指教留與人間傳不滅玉齒啟
琅琅妙訣論一一龍唇遺我令我彈忽覺天聲上指
末翩翩玄鶴向人舞十載塵心頓忘失丁寧謝厚意
眷眷言未畢黃雞卻鳴丑蝴蝶驚倏忽枕席非復碧
山間白雲渺渺迷金骨清遊更何許宛爾如目閱玄
毫浴墨三歎息且作長歌寄恍惚

贈金文玉

圭信

飄狀歸袂向西雲驢背殘春落葉紛惆悵海天他夜
月故人何處不思君

聞洞簫

六點疎星向月吹相雲飛動絲參差此時莫許離人
聽鄉思蒼茫雁到遲

玄鶴琴

南溟玄鶴六絃琴三尺中藏萬古心共爾相將堪自
重未逢鍾子莫成音

蓮亭壁上見房進士

泰淵文韻有感謹次

風馭冷狀上蘂淵雪鴻遺跡小塘蓮傷心夜夜欄頭

月空帶塵顏閱幾年

敬拜尤翁影幀

天孫東屹玉杓尊楚水悠悠萬古覓麟史義曾懸日
月龍眠筆亦拄乾坤箕疇大統三千載人丑流年六
十番小子今來瞻影幀徘徊簷下到黃昏

可歎行

古今十九史何代無天災天災豈不多未有如今時
憶昔三元孟春朔白日被蝕如寒灰况復十六日初
昏月輪黯黳同始煤彼月之微亦惟藏此日之微亦
孔哀歸來暮春天雪風淒而颺鈴鈴地軸動戾戾屋

瓦墮應知八龍樽吐丸失旋迴天維坤絡欲劈破野
獸山禽共驚怕妖禳亦已多別怪更何奈有箇長虹
白四條直與太陽相凌過斯須滾繞若斗梁就中一
枝橫貫射驚心立夏後積漸禍愈大兩日當天熱似
火一南一北相跳鬪炎炎芒角不相下正值十九日
中晝遐通訊不見仰視勞頸脰未知欽天監亦復見
之否天行一氣更炒人十家八九皆被遘吾聞天變
不虛生後驗茫茫難悉究蓬廬中夜獨歎息自嗟無
能萬一救

詠懷古跡

孤雲蹤跡杳爭疑如鬼如仙總未知青鶴紅流來往
日雞林鵲嶺廢興時非關素癖耽詩酒不是高風效
穎箕料得當年微意在孤雲蹤跡杳何疑

盧嶺行

嶺名何盧嶺嶺邊無蘆荻行人爲余說此嶺有古跡
君看嶺之南屹峙蛾眉石依狀八字黛真箇遠山碧
丹脣若桃花未須臙脂赤山靈亦多事妙巧爲此弄
還疑蜀眉山卻被夸娥動移來海東南幻此青龍從
千年鍾叔氣孕成高唐夢天狀絕代姿獨立超羣衆
其名嶺之號其宅嶺之洞琴臺託芳懷杞杞映畫棟

青雲一綺樓來往幾仙客媽狀奶笑倩聲價擅南國
遊人醉忘歸行子迷被溺妖容本崇禘往轍誰不覲
天門降嚴詔紫衣來翩翩人欲固莫險艷色易流遷
何知承命使又作貪春蝶鈇鉞督不畏坑陣頑不懾
自速金木誅白骨埋青山佳人亦薄命馬嵬悲玉環
淒涼身後事杳茫如浮煙山下留古址山上宛雙阡
離離草花叢魂魄正堪憐香名托何處碧岑高插天
茫茫幾百歲古老空相傳我行逾此嶺征驂倦靡靡
聞言發長歎寓戒垂千禩

西北洞中一短草最未有孫
翰林塚即盧娘所蓋歿者云

頤齋集

卷之一

詩

三十八

夜坐集句二絕

月出西南露氣秋溫庭 銀河一帶水悠悠 蟾步蟾倚

杖看牛斗杜甫 肯學張衡咏四愁杜

離思茫茫正值秋離 碧空雲盡火星流陳 何處相思

不相見詩 芙蓉花外夕陽樓趙

七月二十夜夢得爾雅一部蓋未始見者嘗記

郭璞謂爾雅興於中古蓋周公所著或曰倡于

周公成于子夏爾近也雅古也又記朱子稱程

端蒙小學字訓以為一部大爾雅余是以實願

一見而是書行世甚罕只於諸家所援略規一

二而猶未獲其全也恒介介以為恨今乃夢得

披覽其於蟲魚草木之註昭乎若掌內觀紋是

豈精誠之發歟

爾雅注蟲魚夙昔思一見遐鄉渺古籍未曾披此卷

夜夢何幸尔喜踊閱數遍千秋卜商意洞然開一線

訓話幾條件我腹快吞嚙晨雞忽驚起枕簟情輾轉

依依莫再覽惆悵染華硯

望蓬山岫邊

瘦竹寒梅護小檣翠微高處挹滄溟浮天好在蓬山

色依舊西雲一髮青

涼秋蓬海月微明客傷雲窓夢不成正奈江邨今夜
笛十分偏是斷腸聲

聽笛

八月二日

晚來聞雁叫人遠惜秋深病葉驚寒雨孤煙暮暮林
百年能幾日隻字抵兼金杳杳雲邊鶴南溟萬里心

追賀李公錫天新授同知中樞府事慶宴詩

三十九韻并序

粵若歲戊辰我 聖上卽位之二十有五載
也六月某子新授我令公同知中樞府事追

贈及三代以公貴也祖茲乙丑 上親入者
所當也以高年獲躋三品之榮者斯乃曠世
之彼尠而人或終身未之與焉惟吾公
以遐鄉遺老初不有求之之心而卒未免僉
知府事之稱號斯固已奇矣今復重之以從
二之階而名徹於 天陛事載於爛帝播之
遐通聳乎觀聽誰不曰宜乎於是老而其或
謂公且切切狀自喜爲也吁是不逾朽之人
而其亦淺之爲而已乃公之自喜者誠有在
焉蓋公之上自落南鄉以來偉姿宏器星

見踵出若世所謂取青紫如拾芥者非是之
謂耶朕而曾未有受天之祐胡考康寧而出
而為世用者是豈非德門之遺憾而當時不
會之報今乃於今公而見之且夫以公之故
而追贈之榮上及於三世是則公身之榮不
足為幸於公身而公之先得公而乃榮者斯
不亦積善之餘慶乎而公之所自喜者吾知
其在此而不在彼則胤錫之於斯賀也其將
不以是而以何於是乎繫之以詩曰

仙李盤根大柯條遍海封 曙潢源赫赫珊玦響璣

琰啟非王孫貴公惟淑氣鍾真元寧勅鑠造化好商
鎔星彩分丁丙年光任蛭蜂壯軀猶胖脹新髮亦羣
鬆已喜眸懸鏡何嘗耳學龍竹亭風細細花院月溶
溶百歲消搖樂四朝逸晦蹤梧春雖半樹日道任高
春孫長初當戶辭鏗若戛鏞歸朕經七紀獨也冠三
宗天意識非偶人情幾有顯 聖恩曾渙霽寶牒此
稠重快入中樞府欣騰大老容泉塗新改照陟降詎
無惊隣里紛趨賀州間競肅誰清霜方夜落新雁亦
朝唳宸極丹誠愴墳塋老力恭眾賓承請近五馬入
迎逢堂宇交樽俎階庭列鼓鐘盃飛白鸚鵡屏紋繡

芙蓉酬酢情何倦坎蹲氣益濃咏歌咸有禱觀玩立
無縫盛事元難再高筵獨少儂龍城重九菊堯殿二
旬節自恨歸來晚還慚拜并慵傳聞耳漫借椽槩目
徒傭揣諛要揚摧擗辭奈闕茸福須如恆月祿且似
崇墉梁硬畱烏几板輕閣綠節鶴壽長世度牛裁每
朝供浩浩來川水蒼蒼茂柏松小床聞蟻響千里見
針鋒吉兆常呈現妖氛敢突衝東班超首秩南鴈過
衡峯神驥嵐池出老嶺楚璞攻第第敦孝友苗裔絕
愚惹此外將何祝淡詞耻未穠

留題甥館

余仲秋來留二旬許十月因阿山行又來信
宿則堂戶窓壁已一新第以親命不敢久留
於其行偶記杜子美客舊館詩正道今日景
料遂改十七字用之蓋亦允翁之於思庵詩
之例也

陳跡隨人事高秋別此亭重來山雪白依舊澗松青
小壁何時素寒江昨夜聲平明出登馬雲樹夢冥冥

雜詩

新得善雲觀裏圖三元七紀定誰摸丁寧 聖祖欽
天意珍重遺臣張壁隅細看幅端洪武字須尋輪內

紫微樞胡塵赤縣千秋恨何獨東溟一丈夫摸本天

書雲觀石本太祖朝所刻權道
記文可攷也下方有洪武紀元

放言

禮樂三千字雲夢八九宵吟詩縮大手灑筆起長風
湖海平生氣乾坤一洗空男兒有如此狀後說英雄

挽金文自序

隔水幽齋掩小寮百年人事未崇朝詩書舊業重泉
斂孝悌遺風後輩描階上寒盆花寂寂雪中歸路海
迢迢煙篁老柳荒邨口誰復鳴笳白石橋

散詠一律有懷宋文奎啓

吾事開端昔在公一年追逐掃高蓬華陽勝踐今成
夢寒嶺離愁尚閣中海上秋螢三度化峽頭明月兩
鄉同無情最是春來雁那得裁書寄碧筒

燈下

閱盡西床數軸經短吟高誦有餘清昏魔豈許雙簾
薄遠水偏從一枕鳴三桂寒鶻啼到曉百原孤月照
來明心頭底事難消得纔透重關更疊城

和寄韓象箕楊會榮二上舍獨拜 皇壇詩軸

韻

皇朝文物隔千塵誰是星中月色新料得朝 眞壇

下義甲申年後但斯人

葩翁去後躡芳塵無愧衣冠魯國新從此東韓不寂
寞兩人真箇啟禎人

代四友齋作。先是丁卯朝
家始遵明制令生進用。漢頭

彩欄

西山八詠

即道遙山龜
巖書堂也

己巳

竹島炊煙

十里渺空闊遙嶼生孤煙居人定無事頓頓白竹城

熊淵漁火

林表散微星明滅滿江火夜闌悄未眠知是何郡舸

沙津歸帆

汛口青山轉悠揚過高帆要尋最奇處須記夕陽街

蓬山晴嵐

楞迦疊晴色潤逗千巖嵐剛風吹不舉與山相吐含

黔鎮曉角

石枕卧雲端海戍傳寒角天空殷獨聆蒼茫斷還續

仙浦晚潮

古渡濤頭急衝撞晚成潮纔來更何去稍稍趁中宵

南屏落照

高嵌矗抹紅巧當若木照分輝到小窓松明不用燎

西峯半月

峽束礙延庚初弦始得月半回看亦憐下嶺莫飄忽

鷺城寓舍二絕

驅馳南北一秋強九九佳辰非舊鄉獨倚譙樓望明月暮天風角自蒼茫

雲月微茫客上樓短吟高唱沈寥秋日極江南望不見斷鴻聲裏夕煙收

杜山南樓

官柳蕭蕭野郭秋竹陰濃處鳥聲幽天風萬里吹雙袂南國詩仙縹緲樓

伏觀 御製自省編 賜諭 東宮有感作二

律

宸藻雙擎出紫闈且邊 天語若依條須知推己方
成物看取先心與後幾 英廟洪休行復古 明陵
丕緒益增輝春來更說 青宮慶日月高衢仰拜歸

是年 莊獻在
子受 命代理

唐範麗要不濟功從前實得之行躬何如 聖德超
終古非獨 天章秀大東扶桑瑞旭瞻文殿仙李春
光滿 震宮海上鯁臣偏感意風雲契合行昭融

代簡十九首寄丁師道

海內知音少天地一永叟東來亦聊爾幸遇看如友

春風二月別溪上白茆屋悠悠我所思傾倒豈云極
剪燈接膝話滅燈連枕宿共托同心契爛熳尚不足
文史與星曆猶賢無用心但恐君子道非是此中尋
明發相分手孤坐逮纁黃一日猶恨疎矧爾年半強
今朝天欲雨黑雲疑若滴西湖歸路遠悵悵歲暮客
閉戶憶故山出門望長程儼裝將在邇何奈寒雨聲
月城輕靄淡月川寒灘鳴簌簌松竹籟爾亦撥不平
歸歟胡不歸我家多可樂來時觀大易未了究九六
手美太極丸思入先天畫亦有雲臺逸訓誨恩罔極
千秋一以邈古人吾安覲歎息約同修正路在方冊

至人觀物理亭亭表獨立無將亦無迎不受塵冗雜
詩歌出情性任是天機動雖狀一小技何必好吟嘆
寓形大塊間萬事皆分內講論苟闕一那到盡性界
既知能不夸是謂真介知彼哉篙蠡見不知何行爲
愛人亦知惡乃非阿所好陽秋大斷案莫向皮裏葆
我生亦已晚滄海一僻居願言修不逮相期學孔朱
蔥蒨南山松脩森北岸竹所貴保晚節不怕霜雪白
琅玕折盈朶歲寒持贈君願將穆如風吹送還山雲

次寄盧兄燁二律

東臯已與畢齋亾一代雄文較孰長碌碌未須分豆

菽縹縹應自識鸞鳳曾恢教括雲夢澤氣芥休離錦
繡章若得古人蒼古色此身當爲避鋒鋌
春來詩思半消亾剛被離愁別後長鴈到驚瞻奎暎
壁雛娟方俟鳳尋凰過褒元不期知己和戲還多愧
報章但願略同修學業鉛刀終作太阿鋌

頤齋遺藁卷之一

頤齋遺藁卷之二

詩

文房四友

修史功成合退去公狀見絕魯東家當冬正感呵蘭
氣安架還憐襯錦花端爲管屏資繡藻寧因戩鴈直
金瓜會須囁向丹墀下暫染塵埃不足嗟
松薰蘭馥一團春鑄就玄圭光色新短壽不過徒計
月薄軀那得反磨人政憐曼曼須恒用長吐煌煌伴
此身欲向梅窓研點易頭邊卻戴華陽巾
十載慇懃石友求結隣相守小齋幽星湖鷓鴣來平

地銅雀鴛鴦別古丘
鞞面何妨爲墨染
虛中應解與天遊
傷人莫說池泓小
浮水乾坤亦芥舟
英英乃祖露管茅
偶宿剡江江上郊
膚寸光移老楮
榦瓊瑤質幻枯藤
梢小齋糊徧月羞
戶高案積多書
構巢更向錦囊貯
萬幅鶯花可耐愁
淡朝

月谷

吾行纔趁鯉魚風
未見芙蓉花映紅
昭悵寒溪獨來地
小橋流水月明中

四言一章章八句

昔我去矣雨雪濼濼
今我來思落葉蕭蕭
歸鴻載叫

翔彼雲霄言念鄉井
云何不切昔我去矣
雨雪霏霏今我來思
落葉飛飛清霜載肅
薄此屏幃言念家庭
云何不歆

赤城行

再過華山路更瞻華山
翁翁兮非仙亦非佛
胡爲乎獨立於山之
西江之東蒼狀老骨
衣莓苔破頭尚染斑
斑紅想像渾元初變
化卽有此山蓄靈儲
精結成此物騁其雄
鬼偉屹立于丈崖上
建丹霞標下俯紫貝
宮山前大路幾行客
至此下馬因成風尊
之敬之誰敢浼神明
直與天相通生憎黃
竹里中兒子光其

名真姦訂戕賢亂政無紀極一二巨慝元相同神人
憤怒天地晦翁兮翁兮蓋欲寢其皮會其肉正自忘
其躬方當豎子過前路豈教生還恣奇窮分付山魃
及水伯急邀迅擊沙之中翩翩飛駟馱輶軒兮徑凌
過乃視翁無巍巍而以夢夢俄看馬蹄蹴不起輶折
輪推窘狂童既不聽官吏誠上天亦難誘其衷公狀
吃哮罵詈不自悔辱翁毆翁紛恩恩千斤鐵椎遍軀
碎百兩牛皮渾頭蒙模糊神血忽驚濺冤氣鬱鬱干
雲虹天道回環不可誣夢裏靈識須驗終一朝天旋
地轉日月重昭洗嚴霜肅殺炒蝗蝻彼其之子亦就

誅鐵斷亂領戈捲隴翁兮寤恣庶少洩只恨太史不
錄翁討姦之元功丙寅靖國大盟時此勳任他翰諸
公翁兮翁兮君莫悲獨不見戊午甲子諸賢尚多闕
褒崇

悼宋文奎一首

有美俱全藝無倫特傑姿妙年辭賦聘晚歲風霜欺
落落青霞氣蕭蕭白竹籬清貧元到骨愁恨不凝眉
地下今相隔如公更是誰

月嶽精靈返奎躔光彩文章已黃土蹤跡任東流
後事芳隣仗遺孤瑞穴留墓應生桂樹魂必向蓬洲

舊客空揮淚欲歸又逗遛

夜偕溫叟

弟肖錫啟甫金第天鑰

次孤竹韻

數句辛苦滯龍城山路催歸馬足輕籬下黃花尚未
老雪中相對更多情

冬至夜

病起不出戶新歲忽又亞雷方地底吼日從箕口跨
此時動遐想孤燭坐深夜流光豈不惜壺漏促傳瀉
恩恩今年事一枕夢春夏浮生亦安久花葉盛必謝
伊余何為者浪遊耽閒暇既去項籍劍學學樊須稼
東喪西復失非御又非射區區文字業小技何足詫

壯夫固不為棄置欲遂罷外此別有希聖訓滿書架
性情要存省氣質貴變化須積跬步力乃騁長楸韞
奇珍現淘金佳境驗啖蔗事為尤可謹義利雜玉韞
苟無中孚誠那掩外飾詐煌煌主敬語吾道大柄禡
於焉勉服膺百邪無所怕直方交夾持表裏寧有罅
嗟吾悅不繹口頭說空駕諷誦恣剽竊粉績任假借
持出銜在人忘思索聲價紛紜三四載習尚漸污下
所得止圭撮所損齊高華鑄錯漫費鐵噬臍還如麩
堪悲入矮屋何由處廣廈追郵自忸怩沒身難贖貫
滄浪竟誰尤點檢無可訝鷓鴣雛若穢藏豈受鳥之嚇

休將塵世念更污神明舍努力誓少補庶免識者罵
幽懷感今日為是新陽近葭琯亦飛動梅條正姪姪
恭惟天地心解令吾指咋吟詩當座銘做暢無忘乍
凜若春冰履慎若白茅藉從斯發軔去舊染當快卸
何須老無聞碌碌終桑柘

哭白壽翁時德歸時志感

耆德凋零盡後生誰與歸門庭已寥落獨立向斜暉

林溪錄

自馬時瞻句至東樓韻總而錄之命曰林溪錄并後叙

余自幼有名山之願嘗欲選林而廬壑庶幾
先輩餘韻顧病且倦遊尚落落風塵中及甥

于丁氏之館往來四年頗聞其峽莊泉石之
勝蓋林溪是已亦名幽溪以是而顏其堂昉
自寒水齋先生又知其相距可二十里而遙
朝而出夕而至遊歷良不艱也每卒旋來
旋歸曾未得一據歲辛未仲春偶來淹旬日
即謀諸同志以是月甲午行五人各扶老一
不借一行纔十里已有水聲淙琤噴出於巖
礫之間又有一大峴峴峴當前曲徑詰屈遶
掛其腹曰馬峙也峙西下有磐石二二三古樹
一陰之可歇行人歇少選遷迤而上又歇既

上而下又復歇抵店邨日已亭午矣午飯後
徐步而行至都督亭相傳是天朝祿章都
督劉鋹征倭時夜陣處也自此而南折而東
又折而北始入林溪洞口望之有三峯露髻
氣勢突兀可薄霄漢曰華嶽也夾右溪流沿
洄而進飛瀑濺瀑或湫或灘人語風湍咫尺
難分曰林溪也總之首尾不知幾番休憩脚
力疲也且愛山也用是入洞之際已不覺夕
陽西戩燧照東返籬落八九炊煙方起亦一
山中可觀溪回有巖崖高可十許尺相與少

坐俯瞰村墅臥者臥歌者歌既又撥僮振策
循竹林北麓額有小亭翛然臨之乃幽溪堂
也東之夾為樓一房一西之夾只房一所以
輔正堂也未至堂僧八九候而謁焉既至堂
即陟東樓排南牖披襟受涼浩詠軟話頓忘
足茶而神倦也夕後人靜一燈沈沈山空夜
迴軀殼清冷雖稍以無月為恨亦有樂也明
日晨作穿衣更上東樓騁目而恣其觀焉向
之三峯者乃及矗矗狀於簷角矣向之夾右
之流乃反夾左而繚其前矣差晚山嵐解斑

宇無微曠合鳥喧喧松籟騷騷諸公知余於
此興復不淺要余同升後岡消搖相羊幾半
餉見其四環莫非層嶂疊壁惟西南一峯孤
圓貞秀如高標峻節之士可敬不可狎也小
晝取樓下小蹊拂袖直下雜坐於潭上於是
有大磐石廣可坐百許人被雨餘水漲僅容
數十人潭徑可二三尺其深無底急濤飛沫
自高直注驟若風雨響殷山谷下流稍西宜
網魚適日氣冷網不可得遂無聊而歸次于
樓上晡間又自樓而西入竹林藉竹葉二沙

彌行酒余曰此無亦類於七賢之放浪耶是
非吾輩所宜又相視一粲而罷呼童伐竹一
挺作洞簫一雙夜闌相對捻之清韻悠狀似
非塵間所聽也明發將復路有一山峽佩酒
來勸緣方飯後辭不進棗故攜到六七里又
強之諸公曰此不可終孤壺乾而行轉向所
寓或行或休如初薄暮值小雨忙返傾其橐
得所酬唱聯句若古體近體殆無慮五十篇
記昔朱夫子與張宣公林擇之觀於南嶽也
蓋以作詩為戒乃懼其心役於物而或至於

流連之歸也以故當日之詩其如濁酒三盃
朗吟飛下之類董董十之一二吾輩學朱子
者也盍相勉之諸公咸曰諾蒙既脫屬余叙
余卽箕城黃永叟也首陽之吳文義原之丁
師道啟甫扶寧之金星汝是其同遊云

馬峙聯句同舟七學子詩體

吳金兩丁黃攜手陟崇岡永叟曾廓楊州白筆抽廬

阜蒼師道河圖成土數奎分聚星丁觀熾方嶽

將遊覽武當豈蟄藏永叟弭風新吐氣离火欲胎光

吳相蓬島靄雲近柴桑嫩柳香啟甫波鳴留舜曲松

古笑秦皇師道會作縹縹鳳齊飛入玉堂金星

幽溪堂夜坐聯句

幽徑二十里遊春五六人啟甫薄暮上東樓一洗十

年塵永叟

桃柳三春節飛泉九曲流啟甫客行暮方到始覺入

山幽永叟

水閣人吟夜風林鳥宿枝啟甫此間有大隱真趣竟

誰知永叟

扁留遂翁筆山帶武夷名啟甫心法印可處寒江霽

月明永叟

晨興聯句

曉起看山色徐行漱石泉啟甫此身疑羽化縹渺翠

微煙永叟

又一絕

石老通幽徑崖敬著小亭振衣下千仞臨水濯雙纓

都督亭聯句

古樹臨官道千年都督亭永叟書生今日過懷慨悲

歌成師道

東樓

蒼玉屏當一小樓名區物色荷分留千章清木陰陰

翠百道懸簾袞袞流夜迴尚猶無夢寐景幽渾不管
春秋桃源此去知多少笙鶴飄飄碧海悠

因師道警語有感

已是行年二十三頭顱端的合經詰鼠肝蟲臂亦聊
爾鳧短鶴長莫漫談只有明誠漸兩進要須時約更
相參人間幾許浮雲變若又商量真大憨

絕句

憐爾孤高春柏樹一庭終日惹囂塵不如移向溪山
去涼露明霞寂寞濱

次浴川慕潛堂韻

聞君一茅屋留住白雲間相望湖山迥那分半日閒

又六言詩

酌酒橫琴池上栽花蒔藥谷間好是百年清福雲間人亦閒閒

敬懷兩祖遺跡有感

并後跋

瀛海幽居猶有邨玉臺春草自黃昏江南野錄誰修傳高士風流合尚論一丘將湮沒實跡孱孫堪愧與刑存只應乙卯歸來詠長并龜巖屹海門

昔我曾祖醉隱府君當

明陵乙卯時事大

變羣賢盡被竄逐府君素抗慨高潔雖布衣

家會猶恐不免於及遂棄舉業避于瀛洲之海邨鬱鬱以終焉爾時始謀卜築于今經子洞事未成庚辰叔祖龜巖府君承先志完其役稍移于本洞數百尺越溪西麓之上今之堂卽是也又遂仍居之講學進德亦未免不見知而卽去以後堂隨而壞且廢矣近始脩葺一新差復舊觀狀顧子姓零替門戶單寒幽光落德無由發揮而闡揚將沒沒無傳是在平日固嘗隱痛于心今復相羊俯仰緬慕遺跡尤覺潛狀此詩之所以作也覽者幸亮

之

逍遙長句

我來逍遙山下住林深日永多閒趣石泉纖纖注蔬
圃黃鳥咬咬迷花樹晨霏瀕洞相吞吐夕煙縹緲交
回互時尋北逕還南路或向東溪更西渡但覺脩脩
直化羽未許落落猶塵霧形骸已分此中何身外萬
事春眠寤不須勞心覓詩句不須競名招人妒孤雲
獨歸自遐慕虛舟偶觸誰淡怒君不見陶元亮褰裳
歸來步又不見潘安仁直省秋興賦古來賢達尚晚
悟餘子紛紛豈足數且斂疎蹤早高鶩徘徊好待陽

春過

老檜行

北林之北小澗西老檜一株青磨空角鬣植枿怒相
撐皮骨櫛椽瘦益雄山中幾度喫霜雪海上日日當
長風尚憶幽齋初闢時植汝是我龜巖翁晨晴暮涼
繞成蹊為憐高標相與同四十年間一枕夢玉洞寥
落秋雲中仙臺玉臺俱無存獨留翠榦含青蔥黛色
悄悄哀怨迴每看落落超羣叢勁根豈免戰石瀨直
節更遭傷樵童我今摩挲三大息盤桓愛惜情無窮
歲寒應堪表老樟雨溱那得裝青銅已矣哉檜兮檜

今奈爾何生不逢漢朝曾荆建章宮

椒二絕

川產秦生豈獨佳憐渠留種小泉涯若向長淵採皮去不愁山裏案無蘇

辛烈芬芳兩味兼知渠功力冠梅鹽若將卉木分官

職御史風稜爾獨嚴

鳴玉臺

堂前數十步有遺址俯西嗣取朱子雲谷記中語即遊巖公所築所名

寒流觸石玉璫鳴臺上相羊萬古情今日凄涼只陳

跡流年送賈尚餘清江山文藻秋塵滿俎豆官墻綠

草生隔海岷嵯峯獨在更憐孤月送微明龜巖公奇

以自見
乙志

即事

海氛三日白冥冥纔認蓬萊九疊青聞說靈源終古

秘會移茅屋此間停塵埃掉臂蕉藏屋朱紫驚心草

化螢報道山中猿鶴社洞天休鎖碧雲扃古傳南師

有壺巖可遊居此未知其處或云一獵者逐鹿至此僅得尋路

滄浪亭

在古阜鞍岷李氏所築後歸羅氏改名擊磬

滄浪擊磬一孤亭逆旅繁華未百齡只有向來歌舞

地夕陽西下海山青

大雨篇四十一韻

頁齊集

卷之二

詩

十二

朱陽初受謝日晏天氣佳夜半漏紙鳴海上風聲颯
沈沈玄顏曉暄陰雲靈方晨室猶暗及曉眼僅措
微涼衣漸透小戶手自排前山忽近簷大雨俄送街
疎疎始言蠹密密終拶挨直注溜交榮斜飛滴落階
郊原互吞吐同陵幾義懷絕怕庭游蛟肯愁竈產蛙
未暇分涇渭便是決江淮土黏路正濘岸隕溪還又
灌溉忙震若淹滯閒筇鞋防濕移床遍觀漲挈朋皆
夏耐開乾茅獨也卧小齋亂脚或休歇急靈又齊偕
經害禽翊翼被洗草露老烏露就揮篲陘空那爨柴
房冷覓枕禱商息之鹽鞋怯醜祀薰爐畏徽藥捲牌

幾處衝泥捩到底緣壁蝸得意龍快躍報晨雞尚啾
桃宗出敬垣松倒掛崩崖溟濛氛霧裏浩淼渟澗涯
滄沓肇暎桑雩霈逮合槐得非漏不周將欲訊女媧
胡烏三日苦復疑六沴垂靈滂屬備凶元化失調諧
冥冥有相感昭昭不曾差願言 王修德虔禱郊告
柴升馨瓚雕玉望晴席陳稽皇穹庶降假神幣須瘞
埋自可禦鷗舞何勞穰巫娃霄開蒼蓋撩峯現綠髻
縞於焉值叔景且期牽黎驅去矣遊海山翛然忘形
骸林霏弄新霽澗響籠囂哇藤蘿爲茵薦花鳥作朋
儕高岑後矗矗巨瀛前涪涪聯鞭約棠華釀酒謀荆

國齊景
釵朗詠聊見志印友莫譏俳

寄丁啟甫 觀熾

觀基要審勢唱詞要中腔文章故未易僭評得不懽
試述先輩餘厥大知無雙形言須曲中叶音休囂咤
儀容尚古簡氣魄貴渾尾浴微析毫芒聳高軋崆峒
暉暉并日星浩浩吞湖江鯨鬣手能掣龍文筆能扛
人誠到彼岸名乃振一邦伊余生太晚獨奮遐趣是
縱願覲廣天爭奈穴小窓幾勞陶沙金粗解辦琅玕
世道劇嶮巖塵全謾春撞歎息將誰與寂寂伴孤缸
夫君偶解后片言心則降秋沼頰挹月春澗行踏缸

三峯對晨翠九曲聞夜涼往來相憧憧鼓吹交逢逢
翩翩閱牋幅旖旎飄旛幢吟苦絲抽蛹思渴酒傾缸
君如魏畏蜀我如孫窘龐我正滌腥臊君或雜降肛
那饒返箭輪任他捲空杠當時君可憐啞金何能撻
吾猶許狂狷且容和鼓控胡為引瀛渤錯認同溪瀧
書中勃鬱語殊异服漢駟艤艫泛西溟夏莫論舳舻
祇須礪爪鬚待我麾矛鏃殷殷烈雷吼劈破空谷磴
請君無號矍但賦河邊椿

代書寄丁師道 師熾 啟甫 觀熾 壬申

曾見君家一樹梅冰葩應趁臘前開今朝相憶不成

語海上空看驛使來

懷君無日不悽悽為憶天涯久解攜孤夢欲圓窓又
白一庭明月向人低

兔湖途中

滿林寒霧曉濛濛湖上朝光一抹紅正是年華隨處
好馬蹄無限落花中

書堂五絕

小雨空濛未見絲碧梧多意報人知不妨暫許羅衣
濕憐取芳蹊步步詩

松聲乞我十分涼鶯語從他百轉長不憤夜來西嶼

雨却教桃葉洗殘粧

棕竹尋山已較遲晚來纔趁殿春期一林勝景須溪
戀政是紅霏綠漲時

雲盡清江水不波月明孤棹送漁歌巖間客宿無人
見十里林風枕上多

幽禽何意百般啼松檜蒼蒼日欲低人世是非渾莫
管此間閒占白雲樓

到錦江

麗祖南征八百年太師先墓看依然如何甲子蒼黃
際津吏冥頑不進船

雙樹依依玉趾痕
祇今蒼翠尚 天恩當時鞍峴張
元帥飛捷何顏徹九門

煙寺逢一公本竹溪大姓文成公遠裔也且有
老母偶流落叢林余悲其不幸仍示以此且勸
以歸宗之義云

香篆烟空一磬沈
歲寒禪友獨來尋
西秦風韻鳩摩什
東晉衣冠竺法深
春草滿庭曾有詠
野桑投宿尚關心
請君試看身邊服
手線依朕寸寸針

次金文天壁上韻

南來初息漢陰機
觀理愆成想柳磯
一種東風江上

草最憐春色滿當歸

虛名已是七襄機
失腳從前枉下磯
應笑銅津好亭子
幾人垂老未曾歸

蘆嶺途中見澗中有梅樹開花孤絕可憐

絕澗梅查在春寒
晚作花自開還自落
未欲向人誇
次錦城虎溪風乎亭韻

清湖光景一回新
心上幽樵迴絕塵
夜靜月波交汎
艷秋深松翠獨精神
當途齷齪羞餘子
高逝縹緲是
可人誰念千年舍
慧意滿襟無處不長春

到光州客館壁上有 天朝副摠兵程公龍詩

公是河南兩夫子後裔崇禎癸酉肇勅東來
距今甲戌纔百二十二年而人事天時已不勝
傷心者遂以近體一律志余之感

明季風流程摠兵百年伊洛舊家聲當時漢節從天
降今日燕氛極目腥海外豈堪懷萬曆壁間猶喜見
崇禎紗籠莫許秋塵合留待黃河早晚清

景陽湖

極目春波五里堤平分野色水東西遊人莫遣攀楊
柳留等嬌鶯恰恰啼

次寄李公孝思永

故人端的寄書來紅日三竿古郭隈太史風流漸向
晚翰林英眊正飛才寂寥可耐吟秋室提挈還須共
卯杯為問竹窓孤坐夜滿襟清韻向誰開

詠蓮

一雨催暄淑居狀迸玉盤露珠清更轉優助碧波寒
取次添新玩亭亭翠幃高只憐瑤柄弱風至許誰操
纖綠噴紅嫩輕盈菡萏尖韶顏猶掩映頗似隔重簾
愛爾恣憑眺朝光俄又西遂成倚欄睡清露夜淒淒

待啟甫丁觀公孝李思

鳴樹陰陰夏景淒捲簾芳草綠分蹊客歸倚枕無餘

事間聽幽禽盡意啼

送金秀才益休詩

文靖金先生九世有賢孫焉纔離經名已動
人余自先世忝有通家好艷之稔矣顧余早
歲嬰玄晏之病未及與之相識迺其心未始
以一日而他也今年春赴試海陽恍訪五川
趙丈儒席間偶覩一秀才眉宇翩翩有秀氣
徐以叩之即余平日所愿言而不得者今一
朝而得之逆旅之中斯會也豈偶狀比哉遂
從而年之則十有八矣詰其有亦富矣余乃

愕眙以爲以君之年有君之才若學不廉之
戲君其辭矣哉雖狀是邂逅也非吾輩誼也
曷若相就訪之以敘殷勤之爲愈也曰諾後
二三日余著忙不及踐言而秀才乃先之余
謝不敏旋又益究其所未究蓋朝焉而俄已
夕矣秀才將歸余復以負荆自盟而又無以
躬造焉自是以後雖未嘗不幸夫一覲而慚
愧之心離曠之懷日永而月積不料秀才今
又在臨於寂寞之濱相守數旬雖逐日所課
未免於科學而觀其志氣卓然以余較之有

不可以尋文計者此在乍眇固可目擊而心
挹矧茲遊從既熟肝膽相澈余雖骯髒疎鹵
百無知識安得不為君而屈也又况千里之
蹄不欲受轅下纏縛往往慷慨語以宇宙內
事為莫非己分凡諸隱顯鴻纖方無往而不
沛朕也余於是又安得不為之益屈也蓋余
少也适忝上事為無一可欲可欲者惟今人
所捨而不顧者而秀才獨以余可教眷眷之
意或溢辭表噫人生天地知己豈矣間有之
而少生參商情輒倍併吾與秀才何幸而并

一忝同一國又復以聯一榻若是之奇且巧
也居止幾余且遠適而秀才又告別矣是其
別矣義不可啗無言相勉遂摻裾而言曰向
之一榻之幸今則不幸而契闊矣吾家有別
藏在仙雲浦上後道遙前楞伽水石花卉甲
於吾境昔吾曾王考醉隱府君當 明陵乙
卯羣陰茂貞之際謝舉投老實在茲地叔祖
龜巖府君又從而繼述之兩祖遺澤不於今
淺淺吾與君趁明春團會俯仰藏脩於山光
湖色之中君曰何如君於此興復不淺仍曰

四齋書
諾余重爲之告曰士逢斯立科第之累旣不能辭則是亦未如之何也但惟念君子事業不特在此將與秀才遍遊域內歷訪諸老先生庶幾有以慕效其萬一而師法之不終爲孤陋之歸君曰何如君起而曰我思古人實獲我心其斯之謂矣吾與子曷不勉旃余亦曰唯唯遂書之紙以爲書系以詩焉

百年交誼寸心明
叵耐今朝送遠行
歸對菊花應憶我
海邨新月若爲情

隋城白君思
積王峯後齋
立居靈巖君從兄弟

始寓淳昌之福興詞翰夙就不墜祖風余神交蓋久而君亦慕余虛聲以金君士謙爲其外弟而習於余也每因之致其眷眷焉顧不得一面而君遽先逝余未始不淚悼也今年遇士謙於完城話及此事又相與愴涕旣士謙曰吾內兄沒後三從叔邦振氏夢與遊南海上山溪樹石恍然有象外風氣或逢女伴數隊顏色絕靚或有草屋數間境界極遠見贈一絕云海上尼宮杳靄中碧桃紅杏滿堂紅鸞駕故人今不遠縹雲璇月第三宮語甚奇異覺來歷歷記載頗詳

疑此或類古小說所傳仙化余於是尤為之歎
賦聊以遙和云

縹緲芙蓉碧海中
鸞駢飛去靄雲紅
秋濤日極蕭蕭
葉應度靈芝第一宮

漫詠

萬事風波不用驚
等閒天籟為誰鳴
丹爐夜夜黃家
裏惟聽龍吟虎嘯聲

謁考巖書院二律

丙子

丙子二月二十七日為赴
庭試西首馬瘖
旋路黃緣憂過瞻拜仍有感焉蓋先生棄後

學已六十有八年從祀之請之昉亦已四十
餘年迺今特蒙 上旨可躋庶之儀已令指
揮舉行豈非 聖朝之盛典士林之快事哉
念昔栗牛兩先生從祀實在庚申禎聖變後
二年 先王當日微意似出於徵亂本定國
是而我 當予允茲請又必在乙亥討逆後
一年 家法相承前後一揆是則先生之道
不但增重斯文又將為太平無疆之助而東
方永垂其有辭焉或少佇之非邪則逆李陶
翁豈欺我哉嗚呼盛矣遂系之詩二章如左

諸君子繼我來者幸少恕之

楚江紺潔楚山青曾隕奎宮一大星此地 先朝經
賜額如今玄聖許躋庭光塵緬邈看遺集年代差池
恨後生目極斜陽無限意且停歸騎倚疎櫺

吾祖高風乙卯年棘中消息為連連何關負笈違當
代端合聯書與後傳海國乘桴詩訊會泉臺瘞珮在
共憐孱孫未及揚先德瞻仰高山一愴然

贈浪倅李雲舉 運海二絕

白石風流舊作家雲霄公復擅高華多情誰似柯亭
笛一遇知音未足嗟

滄洲八月意悠悠東閣蕭蕭古浪州見說木犀花更
發可能乞與一枝不

省外姑權殯有感

萋迷衰草亂山前一步踟躕一愴然卻羨稼軒老居
士長筵曾唱鵲橋仙

過礪山府

夢殘發古驛百里前途開紅日壺中出青山馬首來
薄寒無酒退高興有詩裁南紀看看盡歸心忽已催
忘憂峴

白門纔過又青門沙苑斜陽不肯溫去國猶瞻華嶽

色逢人頻問羨湖郵風埃髻髮行將換霜雪心期晚
獨存卻是忘憂忘未得漢南千里隔鄉園

戲贈福娥

福浪州女童隸樂籍年十三通書史能作韻
語又解寫字余試之果狀戲贈三絕

茂倚書籍淑真詩春淺緋桃未綻時咫尺蓬山金母
在絳雲他日覓佳期

桂娘墳上草迷離今見曇花一朶奇寂寞西亭江月
句向來徒爾播瑤池

十年湖海病維摩天女相逢便散花稿木偶成戲

劇小詞休遣入嬌歌

詩贐侍御史李侯運海行臺兼寓堂后李君重

海案下二律

歷落李夫子高歌行路難珊瑚留碧海首藉上春盤
忽忽雙飛翼我我一角冠美人消息在幾日到雲端
商賈吾憐子風流一代豪麒麟行地困湖海起樓高
永島元周易蓉裳自楚騷祗今癸鶴影早已著江

商賈堂后自號
即侍御史弟也

奉贐雲泉金丈時侃移職之行丁丑

海雲臺下水濺濺三絕風流數百年只有花山老夫

子一方儒化近前賢

夜坐

一季已強半秋思政悠哉易學圖書晦丹功昌器類
多歧楊子哭窮轍阮公哀棄置還成羨天風為我來
敬呈羨湖丈席

江漢秋風落先生一小廬文農傳舊學洛定有遺書
承誨嗟何邈論才愧太疎高山千載意臨發更躊躇

和柳子明

湖外知音少西來子獨賢襟期皎玉樹詞賦淬龍泉
氣已青霞舉名應白日懸浮生緣法在一笑泮林邊

竹林書院敬次八卦亭壁上韻

憶昔宋夫子臨登此地佳卦傳漳郡圍亭自晦堂齋
海閣難為水天高不可階向來勞仰止宿願幸今諧

挽宋仲建益中大人道明

千年南斗海翁高餘慶雲孫有鳳毛清迴光塵初國
學溫淳風味晚林臯墳荒堂上歡瞻髮詩禮庭前舞
綠袍生老太平仍適去石湖流水自滔滔

三田志感

松坡東望廣陵城天地濶羞憶丙丁駝背空聞玉印
泥螭頭未遠鐵椎轟兩翁苦節元輕外鯁三子孤忠

豈好名

洪尹

極目蒼流西去遠斜陽駐馬獨沾纓

追次詩山使君趙寄贈二絕

鄉里家聲不之賢只今昆季忝承先虛名一代何關
我已斷平生莫問天

班荆離思夢依微辛苦經來出漢畿遙美南溟笙鶴
夜月明孤嘯振輕衣

詩山早發

春色只今日客愁爭奈何山榴紅已歇溪流綠初多
長路縈歸夢流年劇逝波離鷺如惜別百轉在庭柯

書贈鍾山主人金龍弼

南國詩聲苦不低楞伽千仞與君齊春來草屋清相
對花露輕盈月在西

白湖夜泛

山月依依水氣涼一篙雙吹下蒼茫無端喚起汀禽
睡飛度明沙十里長

古意二絕

長恠嫦娥獨夜寒卻憐玄圃有雙鸞木樨花發三千
歲高處容人得一攀

河流落漾月鉤纖瓊蕊泠泠十二簾誰許紅墻漏消
息滴殘蓮藥已晨籤

羨上別柳君弼在天榮歸二絕

幼誦君家乙卯詩，壯關消息蕙歎時。同聲一代惟吾祖，先輩高風古老知。自愧虛名李杜齊，喜看千里入霜蹄。能來羨上尋師去，秀韻從前未肯低。

贈金君天衢二絕

英英靈氣月山西，橘子茶花光價低。盟府高名在鞞嶺，徵君正脉自巴溪。國威已壯三軍凱，家學仍傳四子梯。忠孝淵源須勉力，莫教珠貝混沙泥。邂逅隣君志更奇，南從海嶽共京師。春風去歲仰山

曲庭雪今年羨水陂，多病詐堪依玉樹。同遊猶喜叩緇帷，離情屈指時無幾。休惜燈前細和詩。

贈洪克之樂真

金臺秋晚又佳辰，青眼逢場意轉親。回首滄洲吾道在，一帆千里願尋津。

金副學時祭南遷洪上舍鳳州有詩余亦追和

天恩前後涉溟濤，帆腹長風萬里豪。公議只今閭井在，世間誰似黑山高。

聞金丈出陸又賦

陽羨相送息蘇濤，頭白歸來意更豪。蘆外枯葦遊徧

否名區光價待公高

昭悵

昭悵韶華晚景前
教人容易惜流年
西洲柳夢三千縷
東閣琴心十二絃
小雨不來山黯黯
殘花向盡水娟娟
多情只有啼春鳥
相送平林更渺然

金文 啟亨 屬次黃武慈公進謚冥韻

清朝節惠為褒賢
春暮長筵涕管絃
蛟嶽晴雲留屋角
石樓孤月到庭前
百年公議看今在
數畝靈宮接舊阡
珍重華翁鴻筆在
不辭留詠和高篇

上雲門庵

始覺名山好
筇輿不怕難
孤樓流水迴
古壁夕陽殘
楓淅紅猶淡
松癯碧轉寒
應尋最高處
一笑俯雲端

到雲門呈金令公時祭

一徑沿蘿外
先生已上頭
謫來還避俗
遊憇酷研幽
北斗前宵夢
南州萬里秋
未須嫌到晚
猶得浣清愁
金令公與秋城李使君箕重及其子運永及同遊諸人迭相唱和有詩軸出示余亦次韻

蘆外清遊殿
小春山門光景一回新
星辰步武曾仙吏
棋局陪歡亦野人
衣振高岡因縹緲
戶迎晴旭益精神
平生夢境今真境
那得巢雲老此身

和曼肅

庚辰抄秋偶遊羊山白蓮庵曼肅聞名久矣
邂逅有贈寄意良厚用古和詩例草謝庶他
日入山不為生客也

白谷風流又白蓮宗門今古一燈傳浮生少別知何
恨須更觀空了眾緣

又贈

雲居十載遠心安乎似吾家體用完至竟工夫渾貴
孰他時且較穀稊看

又贈

林杪霏微谷底晴滿山啼鳥送人行交藤絡石龍吼
恠疎葉翻衣錦繡明已識襟靈經夜爽夏憐禪氣徹
時清天寒蠟屐前期在不用臨分共愴情

夢作

余夜夢至一處似是廣寒樓在廟飛甍曲欄
縹緲高曠邂逅李槎川秉淵與林塘盧文極
詩律和唱且有琴歌之樂余益晚到未及同
歡也意甚無聊槎川謂余日前雖未面聞予
詩名久矣願以一絕示之余乃即席吟呈槎
川稱賞良久復出琴兒遊行而罷及覺鷄已

唱矣因記夢中詩如右亦共事也
月落烟沈小院寒不堪春色瑣瓊欄風流老子能無
意試撒高絃詩一彈

曉寫

白羊山裏白蓮寮中有高僧舊我邀蠟屐猶寒九秋
約桂枝應入八公招夢回石逕凌兢馬詩在清溪詰
曲橋頂上鑽龜神已定只須尋跡向迢迢

夜借吳肅拈韻咏三庵即物外藥師靈泉也

仙境遙知不到埃白雲擎出紺蓮開垂龍劃壁因成
窟孤鳥綠崖自有臺條禱直須磨日月遊筇容易踏

風雷卻思東海晏無竭至竟還誰與作魁

吟示旻肅

歲暮天寒歸路長山樓高倚月茫茫研朱道士空乘
鶴叱石仙童偶牧羊自有蒼筤隨手變遙憐鴻雁為
誰翔朝來斗覺羈愁苦聊把幽吟覓報章

戲贈福姬并序

福塘海州樂籍故叅判李壽沆所丐尹留守
汲李判書台重亦并親款自云十六歲選上
進豐宴又入內醫局往來京鄉近歲流落南
中姑寓茂長時年三十四能詩能字知相法

知脉訣尤長於樂譜且有氣義將以明春往
候長城金令丈鵬舍云
一幅雲孫二萬錢長沙歸客臘殘天佳人亦具麻衣
眼他日相逢說此年

沙邨宋進士丈 文道 輓四十韻

南紀耆英盛恭惟奉運丁風流漸掃地夢寐只餘馨
此老吾猶及當年尚有刑樂堂名閥閱芹里舊門庭
玄理珠掇海高文刃發劓騫騰半壁水歸卧一江亭
肩宇春長在襟期酒獨醒芙蓉敷素萼孔雀刷鮮翎
愷悌元心得冲虛自性靈黃中知坦蕩白首喜康寧

入室雙琴瑟將雛四鶴鴒琳琅交觸目旂笏旋揚廷
奕翁傳詩禮尋常辨渭涇孫生毛盡赤客到眼因青
顛倒遊山屐提攜泛海舫盤香雲子粲磯暖釣車腥
一卉無嫌怨孤標惜晦冥自來韜錦聚誰與採蓼苓
寥絕弓旌召迢遠 黠繡聽崦嵫景已迫羸博慟頻經
倚伏渾難測存亡不忍聆纖塵那帶芥弘度本澄滄
人禱如松柏天教作範型後生依有所大化逝無停
龍去纔分劍雀飛竟破瓶太虛回爽氣脩夜寄真形
山迴沈明月雲霾失景星丹旌俄啟路玄宅亦臨溟
同穴情何已通家涕自零舅甥先誼重師表寸心惺

叨納床前拜陪看座右銘評詩蒙繾綣引古荷叮嚀
轉眄驚移數多時憶誨蛤琴書猶小架鷗鷺獨空汀
泉下三千劫人間七十齡清光終渺邈窮轍益伶仃
病苦違攀紉春寒悄掩扃永懷蒿里隔遙想漆燈熒
華嶼平如掌蓬山翠作屏簫章淒夏斷湖海一浮萍

次李文巨運白羊內藏詩軸并序

蓬萊李文與外弟金啟甫天若遍遊內藏白
羊及福峽與趙進士丈儻金士謙益休白載
聞僧處仁性愈有唱有和聯為巨軸歸過永
叟大詫眺覽之勝且嘖永叟初不與偕永叟

既寫一通以當因遊溫叟先次一二永叟亦
輒續貂云

萬念知君自坐忘獨敲晨磬到斜陽几仿獅子憑時
穩甬裏蓮花譯後詳結夏經年青眼舊連巖歸路白
雲長離情莫許隨流水一出山門便渺茫

右次贈處仁

蘿外諸天不可梯高人看客便相攜西方梵唄靈山
近南國詩聲瑞石低柏樹空庭從古得桃花流水後
來迷悠悠聚散何須恨一笑莊生要物齊

右次雲門庵韻

苦提明鏡亦詩僧君在何山對惠能水閣簷陰隨月
轉雲門鐘響得霜增仙菓嶽頂三峯迴禪臘階前萬
木澄應到剛風最上界卻看平地悔躋登

右次雙溪樓

延詔院次主人壁上韻二絕

主人即長沙武人
流寓者少以氣俠

稱本作李使君
弘濟已有次矣

南國風霜蝟鬢宣劔歌曾倚軫中天生涯畢竟君休

恨今古棲遲幾俊賢

天文軫宿中有長沙屋中國
長沙郡其分也故茲借用

批風抹月亦娛賓一笑逢場意更親珍重使君詩語

好只應高眼識高人

原詩有云詩中可見主
翁意知是風塵避世人

次盧兄燁游還山詩軸

聞說崑崙萬國西遠遊何似此攀躋天臺斗覺星毳
大月頂平看日道低從古來蘇留壯跡至今浮雪有
幽樓銅龜葦渡茫茫路鐵鎖雲垂裊裊梯沙上妖棠
迎客醉壺中仙鹿使人迷遐情未愜空愁寂聊倚高
吟歷歷題

喜隨汀洲西復東可人光景自天工漁邨網曬斜陽
外鹽戶烟生薄靄中軋軋櫓聲何郡客蕭蕭鷗影一
江風前期更有清秋好須記蓼花淺淡紅

漫成

月嬋哀怨政新秋清淚應將白露流尚有桂花留結
子天香早晚滿瓊樓

次杜律示旻肅

并序

旻肅不見久矣比自龍龜山還住此山之天
真庵余記杜律有寄江寧旻上人詩因之隲
拈擬以寄送而未能也今日來訪書示覓和
且以勉焉

不見旻公三四年雙溪流水尚潺湲本來面目今知
否老去詩篇誰與傳指路尋山元有錫回頭到岸豈
無船憑君記我浮生在讀易雲窓夜未眠

李成丈

洛

挽四十韻

歎息吾鄉老餘公獨歸狀泔泔仍二豎漠漠又重泉
壯斗虛園裏西暉短旌前寓形那度在論德實繩先
脫屣 厚陵盛疏封沃野延盤根從古遠奕葉到今
綿氣得湖山秀神將海月鮮真情非趨趨茂狝絕雕
鑄主簿風聲在名郎翰墨傳趨庭濡父孝執篲範師
賢字法中書好詞家屈子專八龍齊天矯雙鴈并翩
翺京國輸遊眺州閭稱折旋高才嗟已矣晚計且休
焉松竹堂心遠滄桑局面遷賓朋常滿座宗祀早尸
籩壺隧親營日沙原復絕年蒼珉標小篆黃誥慶長

筵頓子藍欄耀驥孫玉珥娟丁星還可驗亥字訖相
憐落托身猶健蕭間鬢自宣莊盆歌再扣沈帶疾因
纏昨歲徒驚悴新秋或喜痊清塵俄幻夢大化劇流
川素壁圖銘晦寒帷杖屨捐幾時哀樂事脩夜去來
緣桂里留靈箕林庵有吉所故居瞻密邇嘉耦想連
聯霜露晨悽緜總紅宿戒軫飛奔應鶴弔歸卧是牛
眠陟降魂何憾徊徨眼欲穿曾翁敦外氏遺訓載殘
編齟齬知依仰門屏慕靜便接隣頻侍坐問候卽精
虔的歷承談笑懇懃受策鞭一行纒結夏此別遽終
天眇睽看泡沫迢遼羨蛻蟬荷衣寧幸睹雞絮轉幽

帽簫曲翻朝薤楸陰颯白蓮研人間元爾爾回首向
空玄

奉和烏川鄭丈棹傳壽杖軸中河西先生岑夫
子歌并序

昔嘉靖戊申河西先生在玉川邨舍偶得磯
頭柀查爲杖借號岑夫子而歌之近故簫隱
翁卽鄭丈叔父以大耄爵同樞嘗得福川老
人曹同樞柀木杖疾且革寄與鄭丈姊壻柳
震泰甫曰待吾季修來可以此傳吾壽也鄭
丈旣得受之并得其白羽扇因次河西歌屬

宋執義能相一代諸公和者已多今年南至
月自常山過我父親立示原軸先要步贈遂
及於不肖胤錫茲敢續貂云爾

岑夫子出自蒼帝繫山客不識呼為秦岑氏周古公

精而王帝繫出周禮其字從岑故借號岑夫子字音秦故其皮謂之秦皮一心寒苦夏好

奇安肯與蔣卿居沃瀛醫書云性寒味苦杜詩岑參

則有攢蔣叢浦註瀛澤也蔣草名故借用蔣卿千巖萬壑佳可遜兒棹孫樊

先後行木柶一名樊鷄皮薄猶含瑟瑟珠色杳輕且軋河

雲聲瑟瑟碧珠柶皮水清則色碧堪染故東俗稱水

青木○海客乘查到天河唐詩銀浦流雲學水聲天遣湛翁偶倚仗消搖日夕沿簷榮孔子負杖况

復相看墨君容床前壁上渾瘦生卻恨五旬靈壽失

延長浩歌獨傳令人驚孔光有夫子如何解轉世蕭

隱得之疑幽情轉古即輸云是蘿當叟舊伴將迎未

曾煩銅兄同福縣有蘿當歲晏乞向常山去只許仲

容因鍊精乞去聲鎮川古號常山○此公莫道古松

仙骨磊砢又莫道老梅耐頭崢嶸豈若岑家托衣鉢

俯仰南極長風鳴我亦從此欲遠遊早晚九節杖徑

尋荆潭波粼粼

追次文谷煥章庵長句呈鄭丈棹。并序

昔 顯廟辛亥老峯閣公輟赴燕求 毅皇

御筆有人以非禮不動四大字應購卻金而

去既以東來尤翁在華陽洞中磨崖刻之下

有小庵額以煥章文谷金公為賦雙韻四十

八句比年金副學時金執義統并追和鄭文

聯軸屬我父親及不肖胤錫不敢辭

八牛李在崇禎及以弟日及丑孝陵一夜皇靈泣遺民

欲齋溫閣老那復相將拜玉藻憶昔天球御日軌祖

制猶存正韻字崇禎三年用西洋法造列宿經緯天球黜黜豕趨信手

成瑞光燭地驚星星最是留神九經時驅珠四枚跳

滄池修身聖功此可復炎運何徒三百卜傷心秘繪

不忍說霧塞颶迴即俄督總督無端首西禍太史未

暇遷南駕白肯哀音歲因邈銀鈎已向腥塵落天憐

真跡遣人得銜袖龍牋宛香墨問誰初購玉館市老

峯自是箕邦士義氣相看不要直但願歸藏乾溼域

歸藏并與藍欄同薄言遠不華山翁老峯是行并購

所定國子監生麻制也翁悲且喜勒之石幸得千年高掌劈帝

城雙闕迴對待丁丑春正相藉在皇御筆雲裏帝城

淋灘元化白雲壁壯哉方方各徑尺奎章自此煥隄

隄遂為茆庵錫嘉號五臺痴忠亦僧氣居賦頂禮勤

瞻視民彝物則易振觸碩果微陽詎全蝕好歌先從
文谷吐故廟終賴黃江護晚生聞風肝膽裂君難明
年夏鳴咽甲申年也青川古路綠芒屨苦擬行行訪
洞府麟筆精英足徵斯只今肯許夫人知還有大報
壇邊月應弔弓巖萬點血

次南山詩

西安古都陽有山旁苑園中南與太一殊稱眩學究
矧我居海外誦說闕師授幸賴地球存檢圖窮晷漏
意融真境邇依約若既觀邈哉崑崙脈繚河東吐湊
入微劃兩戒梁雍錯規繡忽值涇渭呀衝鴛欲鷺透

循脊幾屈折猛氣蔚鬯茂迤遲發岍隴犖擢穹岬
圻坳尚受衛朝拱競相就胚華送孫絡茫蒼齡鶉噉
搏瞰始湧規晃亮千巖秀醜紅竊漸殷未必須金耐
卓午氛霧澄崖壁瀘蒙覆凌嶒豁露軀似誇工架構
纏黃樹石翳晦藹混胖瘦崇巒互長陰劣辨他及宿
夜澹月歎岡巉角貢瑠鏤雲屏轉黓黓疇能測周衰
幽奇日多端簾几額占候四序益變幻遞代互承造
孱顏屬棣通甲旺方勝戊霍靡逞媚斌參帔侈嵌竇
暴凍屈朱明飛淥百谷漱靈霍礮其顛迅雷或迸糅
顛商薄哀怒霜鬢直轟耀晝槎枒削恠骨溪澗葉蘸漚

歲暮昨峇沅較憶窘露狄朔吹饕以颺峯嶂慮摧什
試令此攀齊定顏部妻陋賁緣頰蒼池象滇景仍富
鱷鯢吼覺動牛女峙忘走因思漢時鑿開邊責難宥
貔貅習朦臙謂言計且售黷武天所厭遠略豈見佑
祗今蘭臺筆記實詒厲詎孤蓮果誰栽散漫侵崩磬
險知茂丘魂臨睨便恂愁平茂點杜畢使人愀弔舊
炭祠稍卍峻眺賞遂得又玄秋宅半腹自昔龍爲罍
領珠秘寵璽縱睡曷利寇惟應鼓霆霹旱眇獲沾救
膏澤黨靳透餓殍困羸穀蚘蟻勿浚蟠行需勸宜奏
嘗聞白衣叟墨雨倏遷留燭犀已戒戾禱覲那邈迤

騫騰陟亢高磴達策措脰紫閣兀軋霄仰望劇昏瞽
數頭移卻停乍憇聆鳴溜噓煩志旋奮尻推膝進復
但解別上下笑暇視左右懸危少遊躅蘇厚積留胃
蹭蹬足易失恐類舟載臭於焉詣尖頂神力俾願副
渾疑馱空鵠還訝逐輕馳聚精纔放目歷亂浩展斂
洞庭銅廣樂八音聒爭鬪經柳逼颺颺特拈韻孤雌
龕豎覲邦國王帛旅幅鞞乎顛肅母吳驂服敢决驟
俞鵬作醫王衆生乞顧仿盈門各諏病湯錠雜針灸
蒼皇髣鳥跡大篆萌史籀詰曲化隸草烟霏迭迴逗
章逢集鴻碩修講香耕耨靡橋挹袞稽槐市喜鬻購

鳥孟時怒瞋婦妾怯誼講闕佔怕擠戶震賊逮嬰幼
明堂頽魄寶儀虔飭魯謬蒲枯并陶匏粟粢釘餽
墻隧布苾阪羊麟擁聖柩噪鷓趁灑飯殘瀝啄瓦椀
蝸蟲起鬼戕威乙讐駭歎回頭晒狐兔鷲悍絕鷓鷩
楚漢距京索遊騎并先後持久甚蚌鷃營壘費宿留
三商燕牢盞良席結重媵笄纒拜姑嫜絳繒攢襟袖
司馬振鏡獨戎事泣獮狩六軍勇赴命糜祀亦來首
農家饁塹耦梁黍刈蒸餽聲嗆軀快嚼潤喉罄井收
春官促鎖院髦駿準鷓鼓噓喙舉會極棧樸歌薪樵
處姬贊著龜卦文挈豕絲盛哀著否泰羸縮寓夫姑

郟政渺環紉舒速步交邁璣衡御句股寧許貸離宿
宮阿廓杳窅裏爍括溷殿低幃畜媼姪隱映綴瓊瑋
喻物可更僕據位直祀雷雄翥岳鎮表巖驪莫狎狂
斯文韓吏部播咏厥功懋獨恨務披藻語膚遺理腴
間關礙被筦靈享孰用侑曠世悄騁覽撫往心內疚
隸雅感不騫祈壽異梵呪愛君等秉彜非是假貨僦
詩情諒落契飭馥遊堪嗅沈吟向木覓聊爾備賽醮

次蜀道難

窮窮劣劣歌亦苦蜀道之難難於上青天絳坡與羊
坂視此還夷狀憶昔金牛初道窳并絡表裏開雲烟

大劔小劔轟摩空飛梁縹緲凌其巔風馳蕪達誰敢
躡但驚石櫃龍門遙聯連仰看鴻濛太始之積雪俯
臨枯栢合流之長川我欲輕身忽乎經行十步九坐
空揮援釣藤輪幾盤峭嶂萬重紆穹壑伶俜踟躕因
卻立終日啾吟竟夕歎况乃思君君未還依巖側足
猶將攀一曲纒去一曲來古磴如縷穿林間何許散
花樓恨不鏟亂山蜀道之難難於上青天遊人自古
皆顛顛前進無寸退有尺惟恐躑躅轉崖壁慙慙怒
兕叫相歷百谷砰隱鳴晴雷性命諒可虞嗟我欲行
未行畢竟何由哉乃知真宰設崔嵬永固鎖鑰不許

輕開皇輿若失馭厥民陷虎豺公孫李特毒浮巴蛇
一隅阻戈無暇蠶麻願君記此歌焮歛好歸家蜀道
之難難於上青天慎莫淹留令我嗟

次金副學

時祭

文所示和杜律韻

甲申

曾拜青楓溪上影皇明日月儼冠裳覃恩曠世吾
君聖排節當時爾輩狂喬木新春媚漢水杜蘅殘馥
滿江鄉天心已見今年復誰為先生養穉陽

為李上舍時晦燁敬次石灘文貞公四歌圖詩

軸韻并序

石灘李文貞公

慎儀

全義人學于杏村閔公

純當光海讎 毋勒百官獻議雖後此以大
賢聞者未或不慢而公實抗正論與白沙梧
里二相公無異也余觀東陽申公青白堂日
記既昭列其事而尤庵宋文正公又為之發
揮已餘憾焉歲己卯應榜在東類時晦又屬
余曰吾祖在謫嘗以松菊梅竹命之為四友
又從而歌之吾大人克紹遺志求名畫各寫
一幅聯帖叙事庶子孫有所觀感而再之學
士先生讚歎而吟詠者多矣子其無違一言
哉余輒不揣日諾益六年于茲而詩始出抑

公姓號名節正肖麗李李長沙故律起云狀
其結又以見公之正論本之問學為不徒也
一點孤山江漲時餘音百杵又公辭節自肯戀秦家
爵芳耀真憐栗里姿索笑未妨懷甫也聞風非要慕
微之曾知杏老源流正珍重天經賴此持

又和四歌

落落臨哀壑鱗鬣本性全自應枝不暇藤葛敢相牽

右松

鮮鮮直宜霜幽秀如有立抵死亦猶馨寧為兒女泣

右菊

可但調羹寶及盈臘韻高卻看存鐵骨堪與慰蕭騷

右梅

冬情幾多年摧撥成束矢威鳳去已遙感歎良在是

右竹

次畏省齋韻 二律并小序

昔庚辰余候武文金公宗賢于筆巖則出示
是韻曰此吾先大人所自命者子其步之今
輒追以為獻蓋推而本之湛翁又不能無望
於庭下云爾

孔曾嗟已遠叵奈百家喧隱德公誰似遺經獨有聞

丁寧畏天語珍重省吾言此意存堂構何論萬石君
尚憶幽齋好曾無車馬喧明新是祖學詩禮與孫聞
心宰元須敬躬行不在言斐然慚屬和聊且勉諸君

次李上舍燻先祖天默公詩馨焚黃詩韻并小

天默公嘗南漢下城後上疏請明大義今

上丁丑追念丁丑舊事并褒諸賢而公亦追

贈副提學禮官 賜祭上舍寶經紀焉嘗示

是韻二律要我父親和之小子亦不能無言

月關星圍理莫原先生高義耻西門聲光合列三臣
傳毛髮知含萬曆思魯禮如今因幸在周正從此得

猶尊鑿坡宿研看新誥爭道吾 王永有言
依依桑梓故南原珍重名郎儼造門神道幾年孤樂
石天香一夕侈洪恩風泉至恨崇禎李江漢昭章大
報尊說與昆雲須勉力元來繩武是嘉言

江行漫成

舟如牛背穩人在鏡中清孤嶼何年兀平沙盡日明
粘天元草色移岸自鷺聲忽憶吾鄉遠無窮又母情

